

Sabat Baibil Lisinka
Wahma an almuk klaska



Jems ulbanka

Staditakaia

Vol. 100, № 4

Waupasa katka wina Krismis katka kat, 2024

BILARA BA

"Jems ulbanka "

wahia

1. Jems ku Dawan wanaisiba	5
2. Sinslaka nitsa trabil puraluwaia	10
3. Traika kaikanra bapibuwaia	15
4. Kasak lukaia an wark daukaia	20
5. Uplakumra kau tara kulkaia apia	25
6. Kasak luki warktakaia	31
7. Sturi aisarasra wanpura sunaia	36
8. Wahbi briaia diaura lukaiaba	41
9. Bawikirakaia sinslakawal	46
10. Wandaukanka sauraba swiaia	52
11. Bawikira laka lantakaia	57
12. Wan sinska hevenra mankaia	62
13. Kasak luki ban aiklabikaia	67

LISIN LALKA

Ninam: _____

Prias watla: _____

Klas númbika: _____

Sabath Baibil Lisinka, yu bani stadi takaia dukiara paskan sa, Baibil dífa aisi ba kat an Prapit aisinka sin Kau baha purara upla lukanka nani prakras. Text ka naniba prahni aisisa kuhku pali lukan ka lalba kat.

Pyuwa nani walara kau lukan ka ba kler sakaia dukiara buk wala nani ra aisikaikbia wisa. Man núbas kau Baibil stadi munras kainara puram sunra daukaia sma ba, ba apia kaka man tanka brima apia.

Illustrations: RF 123 on front and back covers, p. 25; Map Resources on pp. 4, 46, back cover.

(USPS 005-118), Vol. 100, No. 4, Waupasa katka wina Krismis katka kat 2024. Ulbi sakisa kati yumhpa bani Adventist Serts ka kli raya takaia Asla takan ka ba mita, ai afiska tara nina ba makisa General Conference, Sabat Skulka Baiki sakanka wina.

Copyright © 2024, ulban ba rait kaba Reformation Herald PubWishing Association, 5240 HolWisns Road, Roanoke, Virginia 24019–5048, U.S.A. Periodical postagepaid at Roanoke, Virginia 24022–9993.

● **U.S.A. AND CANADA**

Contact: Telephone 1-540-366-9400 * Fax 1-540-366-2814 * Website: www.sdarm.org * Email: info@sdarm.org

Contact: Telephone 61-2-9627 7553 • Fax 61-2-9627-7554 • Web site: www.sdarm.org.au • E-mail: info@sdarm.org.au.

TA BILA

Jems ulbanka naniba dairik sturi aisisa. Baha nani yawan nitsaki naiwa laspyuara iwinara? Bansa kaka naha kati yumhpara bahawina staditakan kabiasa, sabat skul dadimra kumi bani tasba aiskara naha Jems ulbanka painkiranawina staditakan kabia. Wan twisa nahki sturi aisaiaba yamni lakara ar watawi lakara. Dawanra bilawalaiaba kasak luki baman lika apia, prapit Alayas patrankawina yawan naiwa lantakaia diara ailal briba. Dia muni naha diara nanina tarapalisa naiwa las pyuara?

"Uplakum selp aiwina kunin munbiara Dawan Lâ ka krikawal heven dimaia. Ya sauraba nusa sakuna ban daukisa kaka witinra sip Spirit Holikira warktakra. La krikankaba lika saurkaba, ya bahara iwaia lihkiisa kaka Dawanwal kakaira apiasa. 1 Jan 3:6".— *El Conflicto de los Siglos*, p. 465.

Dawan uplika nani mapara kiama aubanka karna daukaiasa kan ailal wantilara kau saurkawal pulisa baha taka Dawan wan walras. Wantilara ailal kasak lukras Jisas pat aulaba kau ban tasba brinka nina bliki taukisa: yawan wantapiasa nakuban kau wantaura waia. Luk 19:14. Smalkanka auhni painkira naniba wankupiara takaskras; trumpitba karna puhbaiasa yapanbawina rawi bubia dukiara. Upla kupia naniba yaka tatatwaia an Dawan bila kasakkara bribalaia.

Wantilara bankra kum kum wibia ao, yawan pat nusa Dawan dia wanwiaia wantba kau bahawina kler aisaras. Baku aisi nanira makabi walbiasa kaka. Nahki Jan tatabra witin dairik parisi nanira wisata: 'pyuta kiamka nani, ya mita mamrikan Dawan lawankawina plapi swakwaia' Luk 3:7.

Aitanikanki Jan tatabra ai aisankawal king Herod kupia baikaiia ai muihni maritkawal brikanba dukiara. Jan, witin airaiaka pali lustiwan uba sturi kler aisanba taka. Dia muni witin sturi auhni an swapni aisaraskan upla nani saurkara iwikan nanibara dairik wiaia apiakan.

"Jan tatabra baku yawan karna buwaiasa Dawan bila kasakkaba tawan aisaia, upla saurkara iwi nanibara winanka daukaia aikupia laki Dawanra balbia dukiara. Minit kumira sin sibriaia apiasa bahawal wan raiaka palisin lustiwa kabiakrasin. "— *Profetas y Reyes*, pp. 102, 103.

"Dawan mita Adam kiamka nanisutra chans painkira yabansa witinwal kumi bani kakaira takbia an holi lakra iubia dukiara. " *Testimonios para la Iglesia*, tomo 2, pp. 568, 569.

"Naiwa yawan nitpalisa Spirit Holikira helpka; wan nakra an wan kiama naniba ilingbia bara sipkabia wantanka kasakba briaia an saurka lakawina wankupia lakaia. " *Ibíd.*, tomo 3, p. 232.

Sabat Skul warkka dadaukra afiska lalka wina

Pas sabat kaliksanka

Reading, Pensilvania, Stechs Kuntrikara priaswatla makaia

Stechs kuntrikara wan warkkaba lika matlalkahbi pura wal (8) ra baikisakansa. Wibiasa kaka : Pensilvania, Nueva York, Conecticut, Rude Kika, Masachusts, Maine, Vermunt an Hampsir raya. Pensilvania ra wan warkkaba nanara istipawi aulasa.



Naha kuntri baikisakankara lika 53% upla nani iwiba priaswatla kumra aslataki banhwisa wibiasa kaka: metudista, luteranos, baptis nani, pentecos an ban wala nanisin, kiatalik naniba lika 28.3% baku narasa. Yurup tanira kristian nani rausauhki ninabliki ikikan pyuara Pensilvania ra witin nani plapibal yukwi banhwikan. Naha sturkana naiwakat ban sipsa kaikaia amish daknika naniba nanara kau witin nani insla mankaia tasbaia tara brisa Lancaster tawankara, aikwalka naniba isi tnatkara dimisa an arasapurara taukaia laik bahwisa, an truk talia aubaikira daukan aras mita raskiba satka nani.

Adventist kli rayatakan daknika nani lika mani ailal pat narasa naha pliskara misaniry warkka daukaia dukiara wan membarska nanira landaukan. Sakuna nanara kli rawibuwan karna warktakaia 2016 mankawina Reading tawankara, wan membarska wal witin nani Nueva York ra balan ninkara. Wan daknika sirpiba witin nani sabat tutnitaim parkira aslatakikan lapta paintaki pyuara. Sakuna uba kauhla taim lika wan lakrika kum watlara asla takibahwikan. Kati wiria luwan ninkara upla mawalkum tahbi takan kata.

Anira kristian nani daknisirpikum aslatakisa pyuara aitanisa priaswatla kum makaia. Plis ailalra pat Dawan bila smalkan sakuna membars naniba tasba kukanka apusa, bamita sipapiasa lahla aiatani briaia yawan mita helpmunaia aitanisa. .”—El Evangelismo, p. 276.

Dawan blesmaimunba kumi banira.

muihkam nani Stechs waupasa tani wina tingkikam sakisa

JEMS KU DAWAN WAN AISIBA

"Jems, Dawan warkka dadaukra, kiamka nani matawalsip purawal kuntri sat satraba: laikula bris." (*Jems 1:1*)

"Naha tasba aiskara upla kum ar nisankum apusa aidaukanka nanisutra kasak lukikaia. Uplakumba uplawalawina lantakisa. Baha mita Dawan brindaukisa nisan naniba aslatakbia dakni kumi baku aikaikanka an ailukankara. Baku lika Jisasra aslakabia."— *Testimonios para la Iglesia, tomo 9, p. 145.*

Kau aisikaikaia: *Testimonios para la Iglesia, tomo 1, pp. 290–292, 383–400.*

Sandi**Wis kati, 29**

 Baibil aisikaikaia ba: *Zakariaas 8-14*

1. JISAS DISAIPILKA

a. Jems nina brikan naniba yumhpaikan Jisas nina blikikanba ani paliba dukiara yawan aisisa? *Matyu 10:2,3;13:35.*

b. Aisas nahki Jems witinka Jan muihnika kataba Jisas nina blikanba? *Luk 8:51–55; Matyu 17:1, 2; Mark 14:32–34.*

"Jan, Zibidiu luhpia kanba, Jisas disaipilka taura wal kataba tilarakan. Witin an aimuihni Jems wal lika disaipil nani pas daknika tilarakan aidukia nani sut swisi Jisas nina blikan. Liliakira aiwatla an aipanika nanisut swin Jisaswal kaia dukiara; Jisaswal ani anira wapi taukikan an wal aisikan; utlabilara aikuki aslakan pamali kum baku an upla kwara tara aslatakanka nanirasin barakan. Jisas mita witin nani sibrinka sutra help munan, trabil naniwina dakbisakan, aiwina klahwanka naniwinasin rakan."— *El Deseado de Todas las Gentes, p. 501.*

"Jisas witin kiadin bilara dimi wasata pyuara aidisaipilka nani yumhpa brisata: Pita, bara Jan an aimuihni Jems kat naha naninawal witin kau aslakan, disaipil wala nanira win kiadin lata tanira aibila kaikikabia."—*Ibid., pp. 636, 637.*

2. WAIN DIAIA KAPKAWINA DIN

a. Jan an aimuihni Jems wal taura witin nani dia plikikan?

Mark 10:35-38.

"Pyua banira Jan lika Jisas lamapalirakan, bara Jems witin brindaukikan kau Jisaswal asla kaia.

"Jems an Jan wal yaptika lika witin Jisas disaipilka mairinkan, aikupia wilinkira dia aimihtara brikanbawal Jisasra helpmunikan. Ailuhpia waikna walra latwankan an aibrinkakan Jisas kingka lakara wark tara bribia, bara witin Jisasra naku makabanka daukan.

"Jems an Jan wal an aiyaptika aikuki Jisasra balan bara makaban witin nani aikupiara lukikanba.

"Jisas mita walata: dia yang helpkamra daukamna?

"Yapti makaban: Yas luhpiwalna man kingkam lakara kum aihkikamra an walana smihkamra iubia.

"Jisas tawi latwankirawal aisan, tarapulanka laka witin nani kupiarakanba dukiara kiama aubraskan. Nahki pitka naha yaptika ailuhpia aikuki witinra latwankanba tanka nukan. Ao, naha wahmika nani ai yaptika aikuki Jisas nina blikikan sakuna Spirit Holikira aikupiara wark dauki kasakka lakara brihauaikan. Jisas mita prautwal sturi aisaraskan, sakuna makabi walata: Sip yakawismaki yang kapta diaiasnaba wina diaia an tahbi takaisnaba baku man nanisin takaia? Witin nani aikupia krawan Jisas tihura sturi aisanba trabil tara tilak witin luwiwaiba dukiara, sakuna wisata: ao, yang nani sipsna.

"Ao, rait yang kapki wina dima, an yang baku tahbi takma, man nani mamwanra dusprigni kum barasa kraun lika apia, lamamra saurakira wal barakabia."— *El Deseado de Todas las Gentes*, pp. 501, 502.

b. Jisas aisanba baku, dia takan Jems an aimuihni Jan walra, Jisas hevenra wan ninkara? *Sturka nani 12:1,2; Param marikan 1:9.*

"Jem san Jan wal Jisas nina dukiara trabil tara brisata. Witin nani kum pas surd malikara ikan kata, muihnika wala lika kau trabil ailalku luwiwan."— *El Deseado de Todas las Gentes*, pp. 502.

3. JEMS BUKKABA YA ULBAN?

- a. **Baibil nahki aisisa Jems alpiu luhpiaba dukiara, Jems wala Jan muihnikaba apia?** *Mark 15:40*
-
-

"Witin naniba nakukan: Mayu, witin lika pulikan waikna, rum gabamintka warka dadaukra; Saiman lika gabamint mapa Babura; Pita witin lika tara papulra ao aiuplikara latwan lakasin brikan. Pita muihnika Andris; Judas witin judía tawanka wina kataba; Pili pan Tomas witin naniwal lika kasakkan, ao wihkara kasak lukan; Jems wala sirpikanba an Judas izkariut aipainka brikan sakuna diara watawisin daukikan. Natanel lika tuktan bakukan kler an kasak lukikan; Zibidiu luhpia nani lika latwan laka brikan sakuna tarapulanka laka brikan."— *La Educación*, pp. 85, 86.

- b. **Sipkaiasa Jems bukka ulbanba lika Jisas muihnika almukkaia, Josep luhpia. Nahki witin aidaukanka chenstakan Jisas wina lantakanba mita?** *Jems 1:1.*
-
-

"Jisas muihnika nani mita sip Jisas daukanka aitanka briraskan, witin nani walbaku apiakanba taka. Jisas lihikikan aiuplika walara help munaia. Ao, witin lahlakira lika apiakan, sakuna witin selp ai pata pikanba wilinkan aiwalka plun pin daukibara yabaia. Jisas muihnika nani lukikan Jisas daukanka mita witin nanira batakisa. Kan upla umpira nanira sturi karna an praut aisikan, sin uplika nanira Jisas pliki witin mita lika sturi swapni aisikan tabaikanka bilawal. Utlala bilara plun apukan pyuara Jisas mita umpira nanira li yabikan an witin pali aipata piaikanba yabikan."— *Cada Día con Dios*, p. 57.

- c. **Nahki Pal mita Jems ra respek munikan Jisas muihnikara?** *Galisan 1:17–19; Sturka nani 21:18.*
-
-



4. SMALKANKA KUM KUM KLER MUNAN

- a. Jems, witinka lika Jisas muihnika kanba nahki kristian nani mita kulkanka tara yabikan asla takanka tara daukan pyuara? Sturka nani 15:5, 6, 13, 19, 20.**
-

"Apastel Jems ra wahbisakan ta uplika nani dia mitinra aotakan dukia naniba serts membars nanira wiaia. Ceremonial lâ ka nani kaupali wan aisa sainka la kaba ju apia nanira taibi munaia apiakan smalkanka kum baku. Jems mita kristian daknikara aisi wisata wan aisa sainka mankaia lakaba luwiwan Jisas pruanbawal kau nitapiasa upla nanira taibi munikaia baha nina blikikaia."— *Los Hechos de los Apóstoles*, p. 158.

- b. Dia smalkanka wahrakanba asla takanka tara daukan pyuara Jems aisi wapnira mankan? *Matyu 16;18.***
-

"Apastel Jems witin mitin tabrikan, las aisi naku wisata: 'Aitani lukisna gentail nanira taibi munaia apiasa la luanba nina blikikaia'.

"Nahawal aisanka naniba tnatarawan. Kiatalik uplika tara nani aisisa apastel Pita ba serts taurakan, sakuna baha baku apia. Witin nani Baibil ulbankawina diara kumisin sakras aismalkanka nanira tabaikaia. Baibilra text kumisin aisaras Pitaba tasbara Jisas sekantka baku. Kan pita witin aitnatkakan aimuihni wala nani aikuki kumi baku kaia kau tara lika apia."— *Ibíd.*, p. 158.

"Jisas mita gaspel sturka yamni smalkaia warkkaba Pita mihtara yabraskan. Kau taura Jisas aisi wisata serts aiska purara kahbansa naha warkka tarana daukaia. Disaipil nani kumra bankra Jisas mita kau tara kulkan sat kata witin nani atilara blahwanka apukaiakan ya ba kau tarasa wisi."— *El Deseado de Todas las Gentes*, p. 382.

5. DAWAN ISRAELKA

- a. **Jems bukkana ya nanira ulbisa, Jisas nina blablikra nanisut nahki nahawina lantakaiaisa?** *Jems 1:1; Galisan 3:27–29.*

"Jisas Israelka tilara ailalbarasa Ebrahim kiamka apia."—*Profetas y Reyes, p. 272.*

"Jisas, witin upla baku tasbara balan ai sertskaba bapan, ju bakusin gentail nani, alba an pri nanisut asla daukan dakni kumi baku kaia Dawan mawanra."—*Testimonios para la Iglesia, tomo 9, p. 153.*

"Kristian laka rait aihwaba wankupia asla daukisa warktatakra ba wihki dawankawal, King an ai suliarawal, pasin an saurakirawal kan witin nani Jisas taliara ai saurka nanisut wina klintakansa bamna."—*Los Hechos de los Apóstoles, p. 367.*

- b. **Prapit ulbankara, las pyua Israelka dukiara nahki aisisa, Jisas kau balras kainara nahki kabia?** *Param marikan 7:4.*

"Tisku yawan walankabia Dawan aisabia sin liaubra binka tara baku, bahara wanwibia witin aulaba yua an awarka. 144.000 nani naha bila baikra walan. Saura dadaukra nani lika alwani binka an tasba nikbanka baku aidara walan."—*La Educación, p. 268.*

"144.000 naniba Dawan silka brikan an aslakan. Aimawan purara ulbankan Dawan bila, Jerusalem raya an slilma ingnikum Jisas nina rayaba. Saura dadaukra nani wan kaikan pyuara laik apia takan bara wan alki priski silakra wan mankaia luki wanlamara balan, sakuna baha minit wan mihta purara bukan bara witin nani tasbara kahwan bara nutakan Dawan mita bakwan sakanba."—*Testimonios para la Iglesia, tomo 1, p. 61.*

MAKABANKA LUAN NANI BA LAKI KAIKS

1. Nahki Jems, Zebidiu luhpiaba pawan an Jisas wal baku takan?
2. Jems, witinka Jisas muihnika kanba nahki Jisaswal baku takan?
3. Nahki Baibilra wanmarikisa Pita ba kau tara apiakanba sturka?
4. Nahki Pal aisisa kristian nani aslakanba dukiara?
5. Diawal prakisa Dawan Israelka nani puraluan kabiaba dukiara?

SINSLAKA NITSA TRABIL PURALUWAIA

"Man nani tilamra sinslaka nitsmasa kaka Dawan makas, witin wina ailal maikan kabia, lawisin maidaukbia apia." *James 1:5.*

"Sinslaka pliki tasba tnatakak waia nitapiasma, kan Dawan witin lamampalirasa. Naiwa diara ailal nusmaba, ar yauhka kau lantakmaba mita apia manra pawanka maikbia. Dawan brindaukiba lika tasba an heven sinska laka maikaia. Wan lukanka nanira tabaikaia an karna daukaia. Wan mihta warkkawal diara sat ailal daukaia; sinslaka makas bara witin maikan kabia."— *Palabras de Vida del Gran Maestro*, p. 112.

Kau aisikaikaia: *Testimonios para la Iglesia*, tomo 1, pp. 115, 116; tomo 2, pp. 210–212.

Sandi

Waupasa kati, 6

 Baibil aisikaikaia ba: *Matyu 13-14*

1. SINSLAKA MAKABAIA

a. **Dia muni tasba sinskalakawal baman yawan aitani apiasa? Nahki sipsa heven sinskalaka briaia?** *Jems 1:5.*

"Upla lukanka, smalkanka nanira kasak lukaia apiasa, sakuna Dawan aisanka nanibara lika wan sinska aiska, wan karnika an wan lukanka nani mankan kaiasa. Dawan brindaukisa witinra yawan wan mihta yabia wan tabribia dukiara."— *Palabras de Vida del Gran Maestro*, p. 112.

"Sabat bani priasra bal smalkanka waliba, Baibil wan watlara aisikaikiba, ar uplawalara yawan mita smalkiba saura lika apia sakuna bahawina kau pawaiasa, wan raiaka palira Dawan bilaba praptis munan kaiasa an Jisaswal kakaira takan kaiasa. Wan sinska, wan karnika aiskasut Spirit Holikira mihtara aimakan kaiasa wan tabribia sinslaka an karnika wankbia Dawan bila holikiraba tanka briaia an wan riaiaka bahara iwaia baku wednis painkira kum kaia upla walara.

"Dawanra ai blisingka, karnika an sinslaka makabisa pyuara yawan kasak lukaiasa witin walisa an wankbia minit kumirasin ban namhpara lukaia apiasa."— *El Ministerio de Curación*, pp. 411, 412.

2. KARNA TAKAN KASAK LUKANBA TAKA**a. Dawan sinskalaka tara bara kulkanka yabisa kaka nahki yawan help bribia? *Sinslaka 3:3–8.***

"Man nani tilamra sinslaka nitsmasa kaka Dawanra makas, bara witin mita ailal maikbia, swiram dauras maikan kabia. James 1:5. Naha pramiska lika lahla pihni an pauniwal purkara manasa. Bawikira wankupia aiskawal heven ingnika plikbiasa kaka wan trabilka nani tilara help wankan kabia. Dawan aisan bilaba bahkira apia kabia. Bankra heven an tasbawal lubia sakuna witin aisan bilaba lubia apia. Kaisa Dawanra kasak lukaia, baku lika wan swira takbia apia. 'Kau kanra tarasa Dawanra kasak lukaia uplara lika apia'. *Lawana nani 118:8,9.*

"Nahkisat skul tara dimram kabiasin bahawisi ban tara an sipkira pulpara, bawikirawal Dawan mawan ingnika pliks, yu banira kau Baibil holikiraba stadi takibas, nubas diarasut daukras taura Dawan mihtara aimakaiaba. Uba sipkirasma wisi yakan wapaia traikaikmaba tnataru nutakma sinskas kapramba, sari takma pyuara. Dawan mihtara aimanks bara heven sinska laka an karnika maikan kabia an sin tambribia nanara naha tasbara an naika bankaiara sinbaku. Heven ingnika an diara tanka briaia yawan nitsa. Dawan mihtara aimaki yabrika tambribia ki? Apiasa kaka man selp dia wantsma daukmasa ki? Ingni painkira mamwanraba bahki baku kulkmasa ki?."—*Testimonios para la Iglesia, tomo 5, p. 403.*

b. Dia muni sip yawan uplakum smalkankara nina blikras? *Jirimaya 17:5–8.*

"Yabalkamra trabil nani takisa pyuara ban namhpara lukpara an upla helpka plikpara, Dawan mawanra bribal karbankam wihra mai taibiba. Wan trabilka dukiara uplawalara aisisa pyuara kau swapni wan daukisa, an witinka wan walibarasin help munras. Dawan kum karnakira yawan brisa, witin lika wan lamapalirasa trabil wihra wantaibisa pyuara, wilinkira wan bila kaikisa witinra ai helpka makabia."—*Palabras de Vida del Gran Maestro, p. 112.*



3. KAU WAN SINSKARA PAWAIA

- a. **Yawan dia daukaiasa Dawan wanpurasunra ansika wankbia dukiara?** *Jems 1:6; Mark 11:24. Patran kum manks nahki wan sinskara pawai?* *1 Korint 6:3-5.*

"Kristian mawal baman nusa pasin nani pahpaiara wihra tara baraba. Serts bilara unsabanka nani baraba sut yawan wantsa pasin daukbia. Wan watla bilara trabil brisa pyuara pasinra paiwisa bal help wanmunbia. Yawan kristian baku baha sipsa wapni daukaia. Pasinra chans yabaia idan nanira smalki taukaia. Apastel Jems ku Dawan wanwisa, sinslaka kau nitsa kaka witinra makabia bara wankan kabia. *Jems 1:5,6. Kasak lukaiasa an takaskras makabaiasa.*

"Kristian ailal barasa Dawan bilaba stadiakras, ai taimkaba selp aiwarkkara baman yusmunisa, bara pasinra paiwisa bal aiwatlara prias daukbia. Basat kristiankaba Dawan wal iuras, wal wapras, heven ingnika tankasin briras. Ban witin lukisa aihtabi takan serts bukkara ainina barabawal aitanisa, matawal sip mana sabat yuara bribalisa an upla umpira nanira helpmunibakat wark sut daukisa. Sakuna Dawan paliwal kakaira apia, Spirit Holikira mihtara aimakras, baha taka mita heven tanka tihukaba nuapia, ainakraba naha tasbara kaikisa, ao serts bilarasa sakuna idan naniwal baku taukisa. Aidaukan, ai iwanka, aiwapanka naniba chenstakras."— *Testimonios para la Iglesia, tomo 2, pp. 568, 569.*

- b. **Kristian kumba dia muni witin namhpara lukisa?** *Jems 1:6; Blasi sturka 49:4. Nahki yawan kahwaia apia?*

"Prias dimras an aipurasin sunras taka mita kristian ailal ai spiritka lainkara kauhla takisa."—*Ibid., tomo 4, p. 108.*

"Kristian kumi bani nitpalisa Dawan bilaba yu banira stadi takaiasa an aipurasunraba karna brikaiasa, kan baku apiasa kaka witin sipsa waihla sauraba traika kaikan bribalibara kahwaia. Trabillkam nani dukiara uba aisapara baharasin sinskam mankpara kan baku daukismasa kaka swapni takisma."— *Palabras de Vida del Gran Maestro, p. 112.*

4. WANKUPIA WAL BRIKAIA APIA**a. Nahki yawan nusa wanpurasuni sinslaka makabiba ansika Dawan wankbia? *Luk 18:1; Jems 1:6, 7.***

"Sinslaka dukiara Dawanra makabisa pyuara ban isti purataia baman lika kaia apia. Sakuna wankupia muhtawina wanbrinka kau taraba lika Dawan kupia lakaba nutakaia an bahara bilawali iwaia heven suliarika kum baku.

"Wanpurasunan ansika briras kaka bilakaiki kaiasa swapaia apia, Dawan aisinska lakara witin wankan kabia. Ban bawisi namhpara lika lukaia apia. Aipramiskara kasak luki kaiasa: 'Witinka wanwinanba kasakkirasa; dia aisanbakat daukbia'. 1 Tesalonika 5:24. Sin piarka mairin witin takaskras aipurasunanba baku. Sinslaka makabaiaba lika diara tara palisa lahlawal sip prakras. Minitkara ansika briras kaka Dawan mita prubwanmunisa wan kasakka laka. Baku bara ban bapi buwikaiasa witin nusa dia pyuara ansika wankaiaba. Yawan diarukum Dawanra makabisi kli namhpara lukaia apiasa. Ao, bankra minitkara briras kabiasin bila kaiki ban kasak lukikaiasa.

"Nahara upla ailal mistik takisa. Kan witin kasak lukrasba mita. Ba taka sip Dawan pramiska witin briras karnika wankaia kataba. Upla kumisin nitapiasa tanis tihmiara tauki kaia, blain baku, kan Dawan mita ingnika wankansa aibila wanwinba daukbiasa kaka, kan yawan selp wan yabalka wahbi briaiaba aitani apiasa. Wanwisa yu banira wark wankanba daukbia."— *Testimonios para la Iglesia, tomo 2, p. 119.*

b. Dia muni wanlukanka diara walra brikaia apiasa? *Jems 1:8; Lawana nani 86:11.*

"Kristian ailal barasa tasba brinka nina blikisa idan nani daukankaba lihkisa, Dawanra latwan kaikras ailukanka wal brisa kristian pulisa sakuna sintaim tasba kukanka naniba lihkisa. Sabat yuara lika prias dimisa sakuna wikbilara lika satwala.

"Nahkisat painkira smalki kabiasin airaiakara kau tasba kukanka nani nina blikisa kaka sip Dawan Spiritka Holikiraba witinra warktakra bara aidaukanka, aiwapanka, ai iwanka naniba idan naniwal bakusa."— *Comentario Bíblico ASD [Comentarios de E. G. de White], tomo 7, pp. 950, 951.*

**5. WANKUPIA KRAUKAIA JEKOB RA**

- a. Nahki yawan Dawanra karnika makabaiasa witin aikupia lakara iwaia dukiara? *Matyu 11:12.*

"Heven kingka lakara dimaiaba lika srinwraskira kaia apiasa, wankupia aiskawal warktakaia nitsa. Tasba brinka, kukanka naniba dipasta kum baku kulkaia, wanwina palirasin taibi munaiasa plapankana wentakaia dukiara. Baibil stadi taki diara lantakan dukia naniba daukaia. Wanpurasunraba bahki kulkaia apiasa. Jisasra kasak lukaia, Spirit Holikira mihtara aimakaia an yawan palisin swrinwaia apia dia wark wankanba daukaia taim kunhku brina pyuara. Jisas aimawalra tasbara balaiaba baila takansa."—*Comentario Bíblico ASD [Comentarios de E. G. de White], tomo 1, pp. 1110, 1111...*

"Dawan mita heven ingnika painkira wankanba yakan wandukia apiasa. Spirit Holikira karnikawal baha ingnika wan uplika wala nanira brihwaiasa sol ailal naiwa kau tihmia tarara setan albika lakara iwisa, witin nani brindaukisa setan albika lakawina pritakaia. Baku yawan wark daukbiasa kaka lika wan mana painkira brinkabia. Jakob daukataba baku kaisa Dawan mihtara karna alki swiaia apia, ai karnika wankbia dukiara.

"Tasba kukanka an wanwina brinka naniba sutwina pritakbia pyuara rait aihwa kristian kasak kabia bara Spirit Holikira mita paskanka raia wan daukbia, wan aisanka, wan daukanka, wan iwanka nanisutba holi lakara baman kabia. Wan smalkanka naniba karna kabia, wan mapara nanisin sip diara aisaia apukabia."— *Reflejemos a Jesús, p. 209.*

**MAKABANKA LUAN NANI BA LAKI KAIKS**

1. Heven sinskalaka briaiasa kaka yawan dia daukaiaba nitsa?
2. Upla smalkanka nina blikisa pyuara dia takisa?
3. Nahki yawan sipsa pasin nanira helpmuni yaka sol plikaia?
4. Dia lainkara yang kau lukanka wal brisna?
5. Nahki Jakob aiklabanba baku naiwa yawan aiklabaia nitsa?

TRAIKA KAIKANRA BAPI BUWAIA

"Yamnipalisa baha waiknika traika kaikanra bapi buiba; puralubiara raiaka kraunka yaban kabia, Dawan pramis munanba witinra latwan nanira." *Jems 1:12*.

"Aisas an warkkam dauks nahki puram sunismaba baku. Kan baku daukismasa kaka lika param marikram kabia kasakkam lakaba brismaba rait aihwa, bapiasa kaka puram sunra naniba purataia baman kabia."— *Palabras de Vida del Gran Maestro*, p. 112.

Kau aiskaikaia: *Testimonios para la Iglesia*, tomo 3, pp. 524–540.

Sandi**Waupasa kati, 13**

 Baibil aiskaikaia ba: *Mark 1-3*

1. SPIRITRA PAWAIA DUKIA KUM

- a. **Aisas nahki *Jems 1:2* ra aisiba sikritka sipkabia yawan briaia? *Nihimaya 8:10***

"Jisas skulkara lantaki dukia nanisutba lilia wandaukisa, ao pyu manasra trabil karna wantaibisa sakuna bahawina diara ailal painkira lantakisa wan spiritka lainkara pawai. Setan lika lainksa yawan uba wan trabilka nani dukiara aisisa pyuara, ban sariwandaukisa wan nakra layasin sakisa. Nahkisat ban sipapia kabiasin lilia kaiasa kan Dawan nusa dia awarka bahawina wansakaiaba. Witinra bilakaiki kaiki kasak luki kaiasa."— *Testimonios para la Iglesia*, tomo 6, pp. 365, 366.

- b. **Diakan Dawan aitani kaikisa wanpurara trabil naniba balbia? *Jems 1:3; Roman 5:3***

"Trabil nani tilara ban bapi buisa kaka setanra puralubia, baku wan kasakka lukan lakaba karna an gul purkara mana takbia. An karnika manas brinkabia kau taura traika kaikan aula nanibara puraluwaia. Sakuna sibrin tatatwi traika kaikankara kauhbiasa kaka wiktakbia. An mana painkira briaia kataba lustiwan kabia. Dawan war kwalka wankanba dimaiasa an aihwaki kaiasa swapas, srinwras kaiasa piu banira."— *Primeros Escritos*, p. 46.



2. DIARA KAU PAINKIRA LUKIKANBA PURKARA

- a. **Aisas wihka bilakaikankawina diara lantakiba?** *Jems 1:4; Luk 21:19.*

"Dawan lika sinskira palisa an kupia pihnikirasa baha mita witin wanpurasunraba walisa sakuna yawan wantbawina kau diara tara wankaia brindaukisa bara dia yawan makabibakat wankras wan yamnika dukiara. Yawan Dawan pramiska an sinska lakara kasak lukiba mita witinra makabaia apiasa yawan diawantba wankbia, sakuna makabaiasa dia witin wantbakat wan raiakara daukan kabia. Yawan diara kaikiba sika kunhku an sirpi. Dawan lika diara wihkara an tara wankaia brindaukisa. Dia trabil nani wanpurara balibasut lika wan yamnika dukiarasa. Wan kasakka lakara karna wandaukbia. An Dawan mihtara swiaia aiwarkkaba wapnira mankbia"— *El Ministerio de Curación, p. 176.*

- b. **Nahki Dawan, apastel Jems ku diara kau tara an tihuraba wan marikisa tasba dukia purkara?** *Jems 1:9–11.*

"Naiwa tnata yua trabil tara wanmawanranara, sin Noa yuara kataba bakusa upla lukanka an daukanka naniba, selp aibisniska nanira bamansa; plun piaia, diaia, kwala kau manaba atki briaia. Ainakra kaiki dukiara baman aisinska manisa heven dukiaba bahki kulkisa. Bankaia dukia nanibara kulkanka yabras, diara luwiwaikira nanira ainakra kaikisa. Nitsa witin nanira marikaia diara kasakba tanka an tatukbaia yapanwina bubia dukiara. Nitsa nutakaia patitara pyuara nahki king nani aimakan an kahwan naniba tanka an Baibilra ulbanbawal praki kaikaia. Babilan kingka tara an karnira kataba, kaikras kaka luwi wabia apia taliakanba naiwa dia takanba kaikaiasa. Dawan ai sinskara briras uplika an gabamintka nanisut baku luwiwan kabia. Sakuna ya Dawan aitura manki bri naniba lika bankaiara kabiasa"— *La Educación, p. 183.*

"Tasba prana an kukanka nanisutba uba painkira taliaba luwiwaikira, pyu kunhku baman yawan brisa. Jisas baman sipsa bankaia dukia naniba wankaia."— *The Review and Herald, 10 de diciembre, 1901.*



3. WAR BINKA

- a. **Traika kaikan mawanra, nahki wanpura sunaiasa diamuni?**
Jems 1:12.

"Kaisa tarapulan lakaba swiaia an wark satka kumiwalsin pramis apukaia. Diarasut daukiba kasak, wapni lakara daukikaia bawan lakara, wan aisanka, wan daukanka an wan lukanka nanisin baku. Wan uplika walara kau kulkanka yabaia. *Pilipai 2:3*. Wan auyatiubiara spiritra karnatakaiasa kaka aihwaki an wanpurasunra brikaiaisa pyu banira. Wan nakraba Jisasra kaikisa kaka sipkabia karna aibapan kaia sakuna selp wanwinara kaikbiasa kaka trabil nanibara kaiki saritakaia sipsa." — *Testimonios para la Iglesia, tomo 4, p. 513*

"Swapraskira taura wapikaiasa, wan kasakka lukan lakaba ban bapi brikaia, nahkisat wan mapara trabil nani balbiasin ban drinh swapaia apiasa. Wihka bilakaikan laka, latwan laka, wark wankanba kasak daukaia, baha nani lisin painkira kumsa. Wan winatarara taibi munaia an Jisasra kaikikaia yu banira. Dawan mita ban lulki wanswibia apia ya witinra kasak luki naniba. Raia bankaia laka kraunkaba puraluan nani lalra mankankabia." — *Ibid., tomo 5, p. 66.*

- b. **Diakan aitani apiasa lukaia traika kaikan naniba Dawan wina blikisa?** *Jems 1:13.*

"Wan saurkaba sirpi daukaia traikaikaia apiasa iskius mankiwal. Saurkara Dawan nahki kaikiba baha bakusa diara sirpikum apia. Kalvary dusa prigni baman sipsa naha kler wantka tanka briaia. Traika kaikankaba lika wan tukbisa saurka daukaia baha lika setan mita wan sinskara bribalisa, sakuna upla wankupiabara lika diara yamni kumisin apusa. Dawanra lika setan mita sip traika kaikras, witin mitasin uplara traika kaikras. Setan mita wan traika kaikisa ba ninkara wandusa kuhbisa heven sut mawanra saura dadaukra kum baku." — *El Discurso Maestro de Jesucristo, pp. 98, 99.*

- c. **Setan mita wan traika kaikisa pyuara nahki Dawan wankan kahbisa?** *Zakarias 3:1-4; 1 Jan 1:9-2:1.*



4. DAWAN KARNIKA WAN SWAPNIKARA

- a. **Aisas Jisas purasunanka piskum, ‘Traika kaikanra aikrika kahwamnara’?** *Matyu 6:13; Aiseya 30:21.*
-

"Wanpurara rausauhkan, taiban laka, an trabil satwala nani baliba latubanka kum baku lika apia, sakuna blising tara an painkira kumsa wan raiakara. Traika kaikan mapara bapi buisa pyuara wan raiakara diara tara wankan lantakisa an wan daukanka nanira pawanka wankisa. Uplakum traika kaikanka nanira puraluisa pyuara heven ensalka nanisutra marikisa Jisas warkka taraba wankupiara. Nahkisa traika kaikankaba tara kabiasin ban drinh swapaia apiasa. Baha tilara Dawanra wanpurasuni makabaiasa karnika wankbia puraluwaia. Jisas lanwandaukanba baku wanpurasunisa pyuara Dawan Aisa mawanra wanbrihwisa an makabisa wan yabalka wapnira wan tapakbia. Sakuna wanpura suni ninkara yabal wahra nanira lika sip taukras. Bila kaiki kaiasa wantapakbia.

"Aitani apiasa minit kumirasin setan traika kaikanka naniba laki kaikaia. Saurkaba mita wan respekka tikisa an sauhkaiara wanbrihwisa, ao param lika takras sakuna yukwanra balisa kaikbia apia dukiara an kunin wanmunisa. Setan traika kaikanka mankanba nusi wabiasa kaka Dawan ensalka sip main wankaikbia apia. Traika kaikan durka nanisutba yawan praki brikaiaasa."— *El Discurso Maestro de Jesucristo, pp. 99, 100.*

- b. **Dia winanka Dawan wankisa an nahki surpalisa traika kaikanra kahwaia apia?** *Jems 1:14–16; 1 Korint 10:13.*
-

"Diaba traika kaikan? Uplasut Dawanra kasak luki aula nanibara prub munisa rait aikupia lakansa sapa. Dawan mita Ebrahimra prub munan, Israel luhpia nanirasin baku. Trabil naniba swin wanpurara balisa wan kasakka lukan lakaba prubmuniaia, Dawan helpka makabiasa sapa kaikaia. Naiwa sinbaku wanpurara trabil balisa wan nakraba Jisasra kaikbia dukiara. Ya traika kaikanka bri naniba Jisasra plikbiaasa kaka witin nanira helpmunan kabia puraluwaia."— *En los Lugares Celestiales, p. 253.*

5. TRAIKA KAIKAN KAU WANTAURABA

- a. **Jisas wal ban iwikaia an traika kaikan naniwina pritakaiasa kaka, yawan dia daukaiasa?** *Luk 4:8; Pilipai 1:21.*

"Setan mita sip taibiwamunras saurkadaukaia. Wan sinska sip kuntrul munras, yawan mita aotakbia lika. Jisas pramiska naniba wan auyatiki setan mihtara aimakbia lika witin aikarnikawal wantaibia. Saurka kumra yawan lihkisa pyuara witinra karnika yabisa. Diara sirpi lupiara kasak apiasa kaka bahara yawan mita durkum kwaki yabisa wantraika kaikbia. Aima bani yawanra wanbatakisa pyuara Jisasra swira paskisa."— *El Deseado de Todas las Gentes*, p. 100.

- b. **Dia mita yawan ban swapras aiklabi kaiasa war danh takbiaba kat?** *Pilipai 4:13; Param marikan 2:10; 3:21.*

"Ani kristianka Jisas mawan ingnika aikupiara iwisa kaka. Nahki sat setan batakaia traikaikbiasin sip apia kabia. Kan Jisas ailamakar kutbi brisa saurka mapara an karnika yabisa traika kaikanka nanira bapibuwaia. Apastel Pal ulbanba baku *Roman 8:28* ra diarasut wan mapara taki dukia naniba wan yamnika dukiarasa. — *El Discurso Maestro de Jesucristo*, p. 62.

"Raia bankaia kraunkaba pura lalura nani lalra kahban kabia. Sakuna kau naha tasbarasa pyuara wark tarakum wankansa daukaia. — *Testimonios para la Iglesia*, tomo 5, p. 66.

MAKABANKA LUAN NANI BA LAKI KAIKS

1. Dia sinskira brikaiasna traika kaikan wihra aitabia pyuara?
2. Dawan nahki wanpura sunra ansumuniba nahki tainka brisna?
3. Traika kaikan naniba aniwina yawanra balisa?
4. Traika kaikan nani mapara bapi buibawina dia yawan lantakisa?
5. Nahki yawan sipsa kau Jisaswal asla iwikaia?

 Baibil aisikaikaia ba: *Luk 12-13*

KASAK LUKI AN WARK DAUKAIA

"Wawalra baman lika kaia apia, sakuna dadaukra takaia, kan baku apiasa kaka selp wanwinara kunin munisa." *Jems 1:22.*

"Uplara Dawan mita yabansa witin dia aisan nanisut aibila wali daukbia, wawalra baman kaia lika apia, sakuna bilawali dadaukra kaiasa."— *Testimonios para los Ministros, p. 454.*

Kau aisikaikaia: *Testimonios para la Iglesia, tomo 2, pp. 23–25, 46–50, 149, 150.*

Sandi

Waupasa kati, 20



Baibil aisikaikaia ba: *Luk 1*

1. YAYABRA KASAK

a. **Dawan kupia pihnika lakaba diaura kaikisa?** *Jems 1:17.*

"Jisas, pruanba taka Dawan mita uplara latwan pali kaikisa. Prura karnika purkara, kan witin airaiaka dusprignira yaban yawanra swaki wansakaia dukiara, baha aslikaba lika painkira an bankaiarasa. Dawan latwanka lakaba tarapalisa heven aiska warktakis upla helpkara. Bahasat daukanka painkiraba satwala takras nahwala, naiwa an bankaiara. Adam kahwan bawina saurkaba tasbarasa Dawan latwanka lakaba mayara batakaia traikaikan sakuna Jisas pruanbawal kau kler marikan saurka dimras tasbaia nanisutra. Hevenra ensal naniba Dawan bilawalisa, witin nani saurka daukras bamita witin nanira padin yabaiaba nitapiasa. Dawan tingkika lakaba lika saura dadaukra nanira yabisa bilawali lantakbia dukiara. Yawan mita Dawanra plikras; Jisasra blikan balan wanpliki swakiwan sakbia dukiara. Dawan mita aitingkika lakaba wankisa ya nani plun pin baku an li din baku pliki nanibara, diara yamnikum yawan daukan takaba mita lika apia. Wan nitka taraba Dawan mawanra wan helpkara aisisa ai tingkika laka wankbia dukiara."— *Testimonios para los Ministros, p. 519.*

b. **Nahki an dia muni Dawan ailuhpia baku wanbrisa?** *Jems 1:18; 1 Pita 1:23; 2:9.*



2. UBA PRAUT KAIA APIA

- a. **Upla prautkira nani tilara, yawan nahki satwala kaiasa?**
Jems 1:19.

"Aitanisa yawan utla bilara la kum mankaia baha lika pana wan saurka aisaia apia, aima banira sipsa taim wan walka yamnika dukiara baman aisilantakan kaiasa. Upla ailal barasa witin selp aidukiara lika sturi pain baman aisisa sakuna aikupiarara taski baraba dukiara lika diara aisaras. Upla wala saurka drusbaiaba lika ridisa sin kaikras kaka li karna auhiba baku. Witin nani kau aisisa pyuara setan mita kau taski naniba aisinskara bribalisa. Baku tnatkara setan warkkaba pawanka tarapali brisa. Diara sirpi kataba setan mita yaban pauta amanka tarakum baku takisa bara sauhkanka laka ailal bribalisa. Yawan wan tilara pana munaia laka dukiara aisisa pyuara kau bitarsa man bahawina saitra takaiasma kan bahara setan warktakis."—*Testimonios para la Iglesia, tomo 4, p. 239.*

- b. **Diakan upla prautkiraba Dawan yamni kaikras, nahki sipsa bahawina pain takaia?** *Jems 1:20.*

"Unsabanka tilara uplakum sipsa uba praut taki sturi aisaia apiakan sturka nani aisaia, sin kaikras kaka waru dih blatakan baku sturi tanisman aisaia. Baha sat uplika nanira yaka aitanka briaiaba isiapiasa. Setan mita aisinska kuntrul munisa. Praut laka briba taka witinka sinkaba wiktakansa, sturi kasak wapni aisaiaba sipapiasa. Sika kum baman barasa bahasat uplika prautlaka sikniskabawina rawaia. Witin plikaiasa pliskum painra wih Dawan bilaba stadi taki aisinskara briaia an setan traika kaikan brihaua taim mapara bapibuwaia. Witin aiwina kat baman luki kaia apiasa. Ban drinh swapaia apiasa kan bilakaikanka witin brisa. Jisas mihtara karbankam wihraba bribal ya an witinwina lan taks bawikira an wihka bilakaikaia lakaba. Bawikira Jisasra wis kupiam aiskakira: 'ao, yang saura daukri. Padin aimuns? An sin tnatkara uplikam walara mapara saura yabrambara sin baku. Yu walara swipara, kau yu dimras kainara naku daukram kaiasa.'—*Hijos e Hijas de Dios, p. 144.*



3. INGNIBA KULKANKA YABAIA

a. Aisas kumi banira Dawan winanka wandaukiba *Jems 1:21.*

"Dawan mita ingnika tara yaban naniba nahki sipkabia kauban Dawan la tara daukaiaba mapara buikaia. Diara daukbia apiawinba kau daukisa ingnika painkira yabanbara diara bahkikum baku kulkisa? Nahki witin nanira setan mita yaban blain bakusa, Dawan pali mawanrasa sakuna kauban saurka daukaia lihkisa diara painba nusa sakuna? Apostel naku ulbansa: 'Kristian naniba lika tasbara iwi uplika an heven ensalka nani mawanra aidaukanka naniba sip yukwras bakusa' witin naniba mawan wal bakusaki? Makabi walbia ki? Nahki tnatkara wan warckaba sip yukwras bakusa idan nani mawanra bakusin heven ensalka nani mawanra sinbaku? Kumi bani selp ansika kum yas: baha lika ingnika painkira wankanba saurara yusmuniba mita baha taka wan daukanka wan iwanka naniba taski takisa." — *Testimonios para los Ministros, p. 447.*

b. Dawan bilaba an swakisakan lakawal nahki aslasa kaupali naha tnata pyuara? *2 Timuty 3:15; 1 Korint 15:1, 2.*

"Dawan Spiritka Holikiraba wankupiara warktakis klin an wapni wandaukaia Dawan bila karnika tara bribawal. Jisas aisanba baku: witin aisan sturka naniba spirit an raiaka brisa. Setan mita upla kupiara bribalisa smalkanka wahra naniba bahara yawan kasak lukaia apiasa. Dawan bilaba ingnikaba lika saurka tihmuka tilara ban ingwisa. Dawan bila aisanka naniba sipapiasa satwala daukan kaia. Baha mita upla kumi bani nitpalisa stadi takan kaia." — *Mensajes Selectos, tomo 2, pp. 114, 115.*

"Baibil stadi tatakra kumi bani Jisas paliwal kakaira takan kaiasa. Wan sinskara Dawan bila aisanka naniba yaka takaskaiasa." — *Testimonios para la Iglesia, tomo 4, p. 392.*

"Dawan bila holikiraba wan sinskara takaskisa pyuara Spirit Holikira mita wan daukanka wan aisanka naniba sut kasakka lakara brihwisa. Jisaswal yawan iwisa." — *Mensajes para los Jóvenes, p. 111.*

4. DAWAN LÂ KABA WANMAWAN KAIIKAIA BAKU

- a. Dia muni wankupia tanka laki kaikaiaba diara tarasa? Jems 1:22–24.**

"Upla ailal witrara tarakulkanka yabiaba lihkisa. Wankupiarra dia barabasut kaiki Dawanka paunra manki kaikisa, bahasat uplika nani daukankaba sut heven bukkara ulbisa mawan wal an tara papulra baku. Wan daukanka, wan aisanka, wan wapanka nanisut yamni sapa ar wahra sapa Dawan mawanwina lika sip yukwras an bahasat wanmawanra sakan kabia latara daukbia pyuara. Wantilara ailal barasa wan walka saurka kaikaia lihkisa sakuna selp wan saurka lika kaikras. Misbara lakaba ailalpali naiwa sahwansa, kristian nani tilapalikatsin baha taka Dawan warkkara sauhkisa. Aitani kabia Dawan Lâ kaba wanmawan kaikaia baku yu banira kaikaia wan watawanka laka naniba nutakaia dukiara. Bansakuna yawan ailal barasa brinwandaukras wan mistikka an wan saurka naniba nutakaia kan lihkisa bahasat tnatkara ban iwikaia wan saurka naniba purabiki. — *Obreros Evangélicos*, p. 292.

- b. Aisas, Jisasra wankupia aiska yabisa pyuara nahki rait aihwa prika laka briba dukiara. Jems 1:25; Jan 8:32.**

"Dawan mita uplara taibi munras hevenra brihwaia. Kumi bani selp wahbi briaiasa wantsa kaka. Spirit Holikira mita wankupiarra aisisa, sakuna waikna an mairin kumibani aotakaiasa heven kingka lakara baldimaia. Jisasra aula uplika naniba prilaka brisa. Ao, upla baku yawan selp lika karnika apusa setan albika lakawina lahwi pritakaia. Sakuna Dawanra makabisa pyuara Spirit Holikira mita karnika wankisa saurka puraluwaia. Yawan Jisaswal aslatakisa pyuara saurka karnika tiwisa heven aiskasut ridisa wan helpkara balaia. Spirit Holikira mita wansinska kwakisa pyuara diara tara an tihura bara naniba nanara yawan sipsa wan tanka briaia. Saurkara misbara kaikisa an heven dukia nanira latwan kaikisa." — *Deseado de Todas las Gentes*, pp. 431, 432.

5. RAIT AIHWA KRISTIAN

- a. **Aisas kristian daukanka painkirakum yawan anuba.** *Jems 1:26.*
-

"Spirit Holikira karnikawal baman yawan sipsa wan twisaba wilkaia. Jisas tasbarakan pyuara traika kaikan ailalbrin sakuna kumirasin saura yabraskan aikupiasin baikras. Ailawaska kakikra nani mita diasat aisikanba walras bakukan. Aikupia baikaia pliskara lawana painkira aikupiara aiwanikan. Naha tasbana nahki kabia praut lakaba swisi Jisas patranka nina blikbiasa kaka." — *Comentario Bíblico ASD [Comentarios de E. G. de White], tomo 7, p. 949.*

- b. **Kristian kasak rait aihwaba diasat warkka daukisa?** *Jems 1:27.*
-

"Heven kingka laka warkka tatakra kasakkaiaba lika wan raiaka palisin kulkras kaiasa wan uplika walara helpmunaia dukiara, upla mita kulkanka wankbia dukiara lika apia sakuna heven aiskasut yamni wankaikisa. Wark wankanba kasak wankupia an wan sinska aiskawal daukisa pyuara kau manatarasa wihki prias dimaiabawal. Prias dimaiaba saura lika wiras sakuna warktakra kaka lika bahki bamansa. Wan uplika walara helpmunaiaba an Dawan latwanka wan raiaka palira marikaiaba lika rait aihwa kristian kasak daukankasa wan nina baman kristian kaia apia sakuna wan warkkawal marikaiasa." — *Testimonios para la Iglesia, tomo 2, p. 23.*

MAKABANKA LUAN NANI BA LAKI KAIKS

1. Dia muni wan raiakaba Dawan mihtara mankaiaba aitanisa?
2. Yawan kumi bani dia daukaiasa uba praut laka briba dukiara?
3. Kumi bani Dawan bila stadi takaiaba nahki diara tarapalisa?
4. Rait aihwa prika laka Dawan wankiba dukiara aisas
5. Nahki yang kau kristiankum rait aihwa takaia nitsna?

Pas sabat kaliksanka

Buk nani paskaia helpka
Yiniral Kampris

Upla ailal naku aisisa:

Ink laya tah muni lupiabawal upla milianra yaban diara luki kaikisa. Buk nani satkara ulbi sakibawal wan sturka aisiba purkara karnasa, kan sipsa kau pyu wihka waia aisauras kaka. Buk nani ulbanba wan watlara brisa pyuara taim bani sipsma dubil taim aisikaiki kaia bara kaulantakaia, baku sipsa wan spiritka lainkara pawaia.



kau

Wan ninara luan sturka nani ulbanba naiwakat kau yawan brisa: “Martin Lutero ulban dukia naniba tasba aiskara plapitawan. Sinbaku yawan daukisa Baibil an buksatkawala nani ailal ulbi. Dawan adar wankansa yawan kiama banira wiaia an yaka nutakaia gaspel sturka yamniba kau tihmiara iwi uplika nanira”. *Testimonios para la Iglesia, tomo 6, p. 403*

“Ensal yumhpa smalkanka taraba buk paski tnatka nanik sin smalkaiasa an isti yaka kuntri ailal tawan sat sat nanira brihwan kaia nesan sut twisa aisanka sat sat an kiamka nanisin sutra.”. *Ibid., tomo 7, p. 137*

“1849 mankara, pasin Jaime White buk sirpilupia kum ulbi sakan witin mita ninaba makan Kasakka smalkanka. Bukka sirpi lupiaba lamakir wan muihni an wan lakra nani aslatakan an ainakra laya saki kira aipurasuni Dawanra makaban blismunbia bukka lupia nanina an yaka walras nanira waia. Baha ninkara brihwan kata diara blikaia watla Midletownra.”. *Primeros Escritos. Xxx*

“Naha daukanka lika Dawan adarka kan: Buk sirpi ulbi saks an upla nanira blis. Taura lika sirpikabia, sakuna upla nani aisikaikbia ninkara helpmaimunbia lahla lainkara bara sipkama kau ailal paskaia.” *Primeros Escritos. xx*

Naha pas sabat presantkamba sabat skul ulbi sakaiara help munaia dukiara kabia, bara wilinkira kupiam aiskawal diasipsmaba manks.

Buk nani ulbi sakiba Afis lalka wina

**UPLAKUMRA KAU TARAKULKAIA APIA**

"Dawan mita uplakumra kau tara kulkras." *Roman 2:11.*

"Dawan nakrara upla ba satka apusa. Witin kaikras ya ba lahlakira an umpiraba. Uplasut ba Dawan mita sinsat kulkisa. La tara mawanra upla lahlakiraba help sakbia apia, an upla umpiraba iskius mankaia sipapia kabia. Dawan nakrawina diara sirpikumsin sip yukwrasba witin wankupiaba kaikisa klin, kasak an Jisas latwanka lakara iwikansa sapa."— *Consejos sobre Mayordomía Cristiana*, p. 168.

Kau aisikaikaia: *Testimonios para la Iglesia*, tomo 3, pp. 335–340, 351–361.

Sandi**Waupasa kati, 27**Baibil aisikaikaia ba: *Luk 14-16***1. WAN DAUKANKA TRABILKA KUM**

- a. Aisas, nahki kristian an idan naniwal mita upla umpira nanira mayara kulkisa.** *Jems 2:1–4.*

"Serts bilara upla umpira naniba wihki yuyakira nanibawal baku kulkanka yabaiasa. Upla lahlakira nanira lika ban kantani yamni munisa sakuna umpira nanira baku apia, baha Dawan yamni kaikras. Tasba dukia kukanka ailal bri uplika naniba diara ailal briba mita nitka kum aidara walras, sakuna upla umpira naniba yu bani trabil ailalku luisa"— *Testimonios para la Iglesia*, tomo 4, pp. 542, 543.

"Jisas lika tasba an heven nani sut Dawanka, sakuna witin umpira baku naha tasbara balan, yawan witinku heven prapatikaba bribia dukiara. Jisas mita umpira nanira yamni kaikan airaiaka sturkaba wina yawan diara ailal lantakaia nitsa."— *Testimonios para la Iglesia*, tomo 4, pp. 542.

- b. Dia wantanka briaiasa uplakum tasba kukanka lika apu sakuna Dawanwal kakairaba?** *Jems 2:5.*
-



2. UPLASUTRA SINSAT KULKAIA

- a. **Aisas, tankakat upla umpira nanira helpmunaia dukiara Jisas aisamba.** *Mark 14:3–9.*
-

"Upla umpira nanira uba helpmunaiaba aitani apia, kan sipsa kau witin nanira sauhkaia helpmunaia watlikara. Yaka traikaikaia selp aiminara buwaia. Taura helpmunaia an landaukaia nahki sipkabia witin selp aitrabilka naniba puraluwi lantakaia.

"Serts bilara Dawan warkka satwala ailal baraba nitsa daukaia umpra nanira baman wan taimka mankaia apia. Aimakum Jisas mita lisan painkira landaukan aidisaipilka nanira. Mery mita Jisas lalra batana laya manakira laikan pyuara, Judas aisan kau painkan batana layaba atki umpira nanira helpmunaia. Jisas tawi nan wisata swis Mery daukanba painsa wark yamni daukan. Kasak maiwisna gospel sturka yamni smalki banira Mery daukan sturkaba sin aisankabia. Mark 14:6,9. Bahawal wanmarikisa Dawanra mayunra yabaiaba aitanisa wan presantka kau yamnibawal. Umpira nanira helpmunaiaba aitanisa sakuna gospel sturka yamni smalkaiaba tnayara swiaia apiasa, walsut sin tnatkara taura brihwan kaiasa."—*Testimonios para la Iglesia, tomo 4, p. 542.*

- b. **Israel wihtika nanira Dawan mita dia winkan la dauki pyuara?** *Libait laka 19:15; Klismalkanka 1:17; 10:17.*
-

- c. **Naiwa serts taura aimaki naniba nahki sinsat daukaia nitsa?** *1 Pita 1:17; Kolosi 3:25.*
-

"Upla kumi ar walra bamanra pyu banira helpmunikaiaba aitani apiasa. Rau, piarka, skahwa, blain, upla almuk nani ailal barasa nitsa witin nanirasin wan helpka yabaia. Tani walara yawan pali wan sinska an wanwina tarana Dawan mihtara aimaki kaiasa yu banira Spirit Holikira mita wan daukanka, wan aisanka, wan wapanka naniba kau klin, kasak an holi lakara wan tapaki brihwabia dukiara." *Testimonios para la Iglesia, tomo 3, p. 30.*



3. WANDAUKANKA KAU YAMNIRA PAKAIA

a. **Nahki apastel Jems mita kristian nanira kiama aubisa uba tasba dukia lihki nanira?** *Jems 2:6, 7.*

"Dawan mita upla an ensal nani mawanra ailuhpia baku wanbrinba tanka kler marikansa; kaisa witin helpka makabaia aimawan swirka paskaia apia dukiara. *Jems 2:7.* Dawan mita witin aipliskara idan nani tilara wan blikansa. Wan raiaka aiskara kler marikaiasa heven suliarika kasakkum baku. Jisas daukanka yawan sipsa briakaiaba witin yawanra iwisakaka. Wan daukanka, wan iwanka, wan wapanka nanibara sipkabia kaikaia an baku lika wednis raiakum kabia wan aisankawal baman lika apia sakuna wan raiaka palira sin sipkabia kaikaia." — *El Discurso Maestro de Jesucristo*, pp. 91, 92.

b. **Nahki yawan sipsa Jisas wedniska kasak kaia upla wala wankaiki nanira?** *Roman 2:11; Sinslaka 23:7.*

"Jisas daukankaba stadi taks an makas witinra bara maikan kabia: trabilkam nani tilara naku aisas: Jisas yang pliskira dia daukbia? Dawan bilaba staditaks sinskamra yas takasbia, lawana nanisin sinskamra bribas an anira taukisma pyuasutra aiwanibas. Yabalra ar utlabilara diara kumisin daukpara ar aisapara upla yamni kaikras kaka. Jisasra titan banira makas man brinkamba witinwal wapaia yu aiskara. Dawan mawan ingnikara wapismaba sinskamra ban bribas. Nahkijat mampara saurkam drusbiakra man praut takpara swapni an tankira sturi aisibas. Ban inipas kapara, kisi sturka ar patitara luan sturka nanisin aisapara. Sinskamba main kaikibas ban yarka lukanka wahra an taski nani dimbiara. Diara klin, kasak an holi naniba bahara lukibas an puramsin sunibas Jisas mawan ingnikaba kau damra walibas tihmiara an kaknara manwalba tanka. Upla wala saurka aisapara lantaks diara yamni baman aisikaia. Uplikam wala dukiara Dawanra puram suni makabibas traika kaikan nanira karnika yabia puraluwaia." — *El Ministerio de Curación*, pp. 391, 392.



4. WANDAUKANKA KASAK KAIA

- a. **Baibilra dia daukankaba tara kulkisa kristian nani tilara, dia muni?** *Jems 2:8.*

"Kahwan sertska pasinka nani uplara kunin muni smalkisa Jisas pruanbawal La ba luiwan bara kau nitapiasa la aisanka naniba bilawalaia. La ba karbanka wihra sin alba lakara baku wanbrikan sakuna Jisas pruanba taka nanara baha albika lakawina priwan sakansa. Kaikras kaka rait taliasa sakuna prapit an apastel nani smalkankaba pain stadi takbiasa kaka baku apiasa. King David naku ulban: 'Yang prilakara taukisna la ba bilawalisnaba mita'. *Lawana nani 119:45.* Apastel Jems witin ulban Jisas pruanba ninkara, Dawan Lâ ka King laka, Lâ kum kasak, an prilaka Lâ ka wisa'. *Jems 2:8; 1:25.* Apastel Jan patmos kikara 50 mani Jisas pruan ninkara, an witin ulbansa yamnipalisa Dawan Lâ kara kulkanka yabi uplikaba witin raiabankaia dusa mâ wina pibia, an tawan holikiraba durkabak diman kabia. *Param marikan 22:14.*"— *El Conflicto de los Siglos*, pp. 459, 460.

"Jisasra wan raiaka aiska yabisa pyuara witin ai Lâ ka bilawawalra takisa, naha laka mita setan albikarakan nanibara prilaka yabisa Jisaswal asla takanba takamita. Baku lika uplaba nanara pritakansa. Jisas ingnika saurka mita yawan lustiwan kataba nanara sipsa kli briaia. Setan albika lakawina an wanwina brinka nanisutwina priwandaukisa. Spirit Holikira karnika mita wan nakra blain kataba nanara sipsa kaikaia diara tihurakan dukia naniba nanara yawan tanka brisa."— *El Ministerio de Curación*, p. 93.

- b. **Upla mawanka kulkiba mita nahki kristian baku wan wedniskara sauhkisa?** *Jems 2:9.*

"Kristiankum sipsa prias dimikaia, wark yamni wala nanisin daukikaia, sakuna kautaraba lika wan raiaka palinara Jisas iwikaiaa baku apiasa kaka wan daukanka, wan wapanka naniba purataia baman wan nina kristian brisa. Wan smalkanka naniba rait karna kaiasa kaka Spirit Holikira mita wan tabrikaiasa, baku apiasa kaka yawan selp wanlukanka uplara smalkikabia"— *Palabras de Vida del Gran Maestro*, pp. 315, 316.



5. TANKIRA LANDAUKAIA

- a. **Dia wan auya tikaia apiasa Dawan laka kulkibara, an upla walara wiaia?** *Smasmalkra 11:9; 12:13, 14; Jems 2:10–13.*

"Wahma an tiara naniba lihkisa prilaka brikaia: Witin nani nitba nutakaia Dawan Lâ kaba bilwalbiasa kaka baman sipkabia rait aihwa prika laka sakankaia. Dawan Lâ kaba mita wankan kahbisa setan wan sauhkaia plikibawina. King David naku aisan: 'Yang prilakara taukiswa, kan man lamkaba plikriba mita'. Man lamka naniba pranakirasa, an taibabaikra painkirasa'. *Lawana nani 119:45,24.*

"Wan daukanka saura nani wapnira mankaia traikaiki pyuara aman kaikaiasa wan uplika wala saurka dukiara aisaia apia ar dusa kuhbaiasin apia. Waihla sauraba baha tnatkak kunin wanmunisa yawan traikaiki wapnira aimakaia lukanka brisa pyuara. Sikrit painkira kumba lika yu bani titanra Dawan mihtara aimakaiasa, Spirit Holikira karnika makabaia wan sinska lukra naniba wapnira brikaia, tasba brinka nanira kaikaia apia Dawan bilaba wan sinskara yaka takaskaia an Jisaswal wapi lantakaia." — *Testimonios para la Iglesia, tomo 6, p. 386.*

"Wan uplika walara aisaiaba tankira sinslaka brikaia ban inipas apia. Yawan uplaba diara bahkiwal pat saura aidarawalisa, tawa tawa tankakat Spirit Holikira karnika an sinslaka wankibawal warkkana daukan kaiasa." — *La Educación, pp. 291, 292.*



MAKABANKA LUAN NANI BA LAKI KAIKS

1. Diara ailal lika apusna, sakuna upliki walara help munaiasna?
2. Nahki yawan sipsa upla mawankara kulkanka yabikaia?
3. Wan uplikara nahki sturi aisiba nahki wan daukanka marikisa?
4. Dia mita Dawan Lâ ka Matawalsipba prilaka wisa?
5. Nahki tnatkara yawan smalkaiasa lukanka satwala bri uplikara?

**KASAK LUKI WARKTAKAIA**

"Waikna, man nuapiasmaki kasak luki baman sakuna wark yamni daukras kaka pruanba tanka?" *Jems 2:20.*

"Ao, yawan nusa wark yamni daukibawal upla sip swakwi takbia apia, sakuna sipapia kabia uplakum swaktakaia wark yamni daukras kaka."— *Fe y Obras, p. 114*

Kau aisikaikaia: *Primeros Escritos, pp. 226–228, 269–273.*

Sandi**Yahbra kati, 3**Baibil aisikaikaia ba: *Jan 6-8***1. KASAK LUKAN AN PATRAN**

- a. **Dia muni aitanisa wankasakka lukanka bribara iwaia?** *1 Korint 4:9; 1 Jan 5:3; Jems 2:14.*

"Uplakum selp aiwina kunin munbiara, witin nusa sakuna ban Dawan Lâ ka krikisa kaka sip holitakbia apia. Diara painba nusa sakuna daukras kaka Spirit Holikira kauban witinra aisikabia apia."— *El Conflicto de los Siglos, p. 465.*

"Wan daukanka, wan iwankaba wednis painkira kum kaia sipsa ar wednis saurakaia sipsa. Wandaukankaba taka Dawan lakara mayara batakisa bara wan panika idan nani naku wisa: 'upla sipsa Dawan Lâ kaba bilawalaiia ar apia. Ao, yang lukisna upla nitsa laba kulkaia; sakuna Dawanba uba ban kupia babaira apia uplara taibi munras an laba krikmasa kaka ban kastigar wanmunras'. "— *El Conflicto de los Siglos, p. 465.*

"Idan nani mita wan kaikisa bara yawan sabat krikisa kaka naku lukisa. Ao, trabil pyuara sabat krika warktakaiaba saura apia, kristian nani daukisa kaka yawansin sipsa baku daukaia. La tara daukbia pyuara idan nani ailal aisabia witin nani dia kaikikanba kristian nani daukankara an traikaikbia bahawal iskius mankaia."— *Testimonios para la Iglesia, tomo 4, p. 247.*

2. TASBA UPLIKA AN HEVEN ENSALKA WAN KAIKISA

- a. **Dia patranka wal apastel Jems prakanka daukisa wanbila baman aisisa sakuna daukrasba?** *Jems 2:15–17.*

"Dawan Lâ ka dukiara smalkaiaba lika wan raiaka palira iwikaia. Bilawawalra kasak baku. Sakuna naha sinska laka an karnika lika Spirit Holikira mita baman sipsa wankaia. Yawan nusa sakuna daukras taim saurka takisa. Heven dimaiaba bilawawalra takaiasa an wan uplika walarasin marikaiasa yabal kasakba, wan daukanka nanibara upla ailal wan kaikisa rait kristiansa sapa an wan nina blikisa. Kristian nani ailal Dawan Lâ ka krikiba taka mita upla ailal wan kaiki naniba kristian katras an ailal baku ban pruisa "— *Testimonios para la Iglesia, tomo 4, pp. 61, 62.*

- b. **Kristian rait aihwaba nahki witin kasak lukisa?** *Jems 2:18; Matyu 6:24.*

"Dawan uplara wan aisansa an wantsa yawan aibilawalbia. Makabi walpara aitanisa sapa daukaia. Jisas hevenra aiwatla swisi tasbara upla swaki sakaia dukiara balan pyuara umpira baku baliwan an panis ailalku luiwan laskat dusprignira upla pruaiakanba witin wanpliskara pruan. Jisas pruan saurkara yawan ban iwikabia dukiara apia, sakuna bahawina priwansakaia dukiara. Upla kumibani airaiaka wahra lakaba swisi Jisasra balaiasa, wanwina brinka, tasba brinka naniba bahki kulkaia.

"Kristian rait aihwaba minitkumirasin lukbia apia Dawan Lâ ka holikiraba kulkaia apia sakuna airaiaka palira marikankabia bilawawalra kasakkum baku. Naiwa yawan taim pain brisa pyuara kau lukan namhpara brisa kaka tisku taim saura balbia pyuara sipkau ban Dawan Lâ kaba kulki kabia apiasa. Wan warkka swiaia apia dukiarakra ban Dawan sabatka krikbia. Naiwa chans brisa wan kasakka lakara karna takaia tisku taim apukabia."— *Ibíd., pp. 247, 248.*



3. EBRAHAM WINA LANTAKAIA

- a. **Dia trabilka tara spirit lainkara wankupia kraukisa?** *Jems 2:19.*

"Upla ailal barasa witin nani Jisasra kasak lukisa swaki sasakra kum baku sakuna saurkawal kau pulisa Jisaswal kakaira takras witinwal iuras. Kasak lukiba baman sakuna kau bahawina pauras ai sinskara tasba bisniska naniba aibanhwansa ainina baman kristian brisa sakuna warkka lika daukras, bahawina aikupia lakrassa kaka patbankaiara lakan kabiasa." — *Mensajes Selectos, tomo 1, p. 456.*

"Jisasra kasak lukaiaba pain, sakuna wan raiakara iurassa kaka bahawina sip helpsakbia apia wan swaki sakan laka briaia. Setan witin kasak lukisa an tatatwisa. Witin nusa ai taimkaba kunhku takiba an aiwarkka saura nanisut tnatara auyaba. Kristian ailal aidaukankawal tabaikras aikasakka lukan lakaba. Tasba bisniska nanira aitaimka, ai sinska an aikarnika aiska mankisa Dawan balaiaba kau tausin manirakan sat." — *Testimonios para la Iglesia, tomo 2, p. 146.*

- b. **Ebrahim patrankawina nahki yawan sipsa bilawali lantakaia?** *Roman 4:1–3; Jems 2:20–22.*

"Ebrahim witin Dawanra kasak lukan. Nahki yawan nusa Ebrahim kasak lukanba? Witin Dawan bilawalan an wark yamni daukanbawal, bamita kasakkira kulkankan." — *La Educación, p. 248.*

"Naiwa yawan Ebrahim kasakka lukan lakaba nitsa saurka mita tihmia tara dinkan nara ingniba marikaia." — *Comentario Bíblico ASD [Comentarios de E. G. de White], tomo 7, p. 949.*

"Yawan padin laka brisa Jisas taka mita sakuna wark yamnibawal wan laka daukisa." — *The Signs of the Times, 20 de noviembre, 1884.*

"Jisas wankupiara iwisa pyuara wan daukanka nanibasut kasak, klin an wapnira bamansa." — *Testimonios para la Iglesia, tomo 3, p. 579.*

"Wark yamni daukiba taka yawan swakwi takras, sakuna wark yamni yawan daukiba lika Jisas wankupiara iwiba witin mita wankan ai Lâ ka holikiraba kulkisa an bahara iwisa. Swakwi takaia dukiara apia, kuna pat swakwi takanba mita." — *Ibíd., pp. 576, 577.*



4. TABAIKANKA BILA

- a. **Aisas nahki yawan Ebrahim baku kristian wan raiakara iwaia?** *Blasi sturka 26:5; Jems 2:23, 24.*
-
-

"Wark yamni nani yawan daukiba lika Jisas yawanra iwiba mita. Wan sinska, wan karnika an wina aiska Spirit Holikira mihtara aimakan pyuara wan raiaka aiskaba klin, kasak, an holi lakara iwisa Dawan kupia lakabakat wapisa an bilawalisa. Kau saurkawal pulikaia apia sakuna misbara kaikisa, kan wansaurka taka Jisas dusprignira pruanba mita yu banira yawan pawaiasa Jisaswal kakaira takaia. Padin laka yawanra wankiba lika Jisas warkka tara daukanba taka mita, baha padinka laka ban briakaiaba lika wan raiaka aiska Jisasra yabaia an aibilawalaia.

"Dawan padinka lakabrin uplikaba kau saurkara iwikapras an wark yamni dauki bilawalibawal marikisa Jisas witinra iwiba tanka. *Jems 2:22* ra naku ulbansa: 'kaikras maki kasak lukan lakaba wark yamniwal aslaba tanka?'

"Kasak luki baman sakuna wark yamni daukras kaka purataia bamansa?."— *Mensajes Selectos, tomo 1, pp. 464, 465.*

- b. **Rahab ra Dawan mita padin munanbawal nahki wan tabaikisa idan nanitilara wedniskaia?** *Jems 2:25; Hibiru nani 11:31.*
-
-

"Jeriko tawankara mairinkum barakan aininaba Rahab, witin lika heven an tasbawal Dawankara kasak lukikan baha taka aiwatla bila aiskawal sipkan swaki sakan laka briaia Jeriko sauhki tikanba pyuara. *Jashua 2:11.* An aiwarkka yamni daukiwal marikan aikasakka lukan lakaba purataia baman apiakan tankaba."— *Profetas y Reyes, p. 273.*

"Aniuplika sut Rahab kenan wina kataba an Rut moab wina kataba baku kasak luki Dawanra balbiasa kaka witin sipsa heven suliarika tilara kaia."— *Palabras de Vida del Gran Maestro, p. 232.*

"Idan nani tilara warktara daukaia nitsa kan baha tilara upla ailal Dawanra kasak lukisa an nitsa baltakaia an heven suliarika tilara dimaia."— *The General Conference Bulletin, 1º de abril, 1895..*



5. PURALUWAIA SIKRITKA

- a. **Aisas nahki yawan sipa puraluwaia Jisas karnikawal?** *Jems 2:26; 2 Pita 1:3, 4.*
-

"Jisasra kasak lukaiaba aitanisa swaki sakan laka briaia, baha tanka raitba lika Jisasra yaka wan raiakara iwaia, bahara takaskaia an Spirit Holikira mita wandaukanka wan iwanka, wan lukanka naniba satwala daukaia. Sakuna wanbilawal baman kasak kasak lukisa wiaia apia kan bahawina yawan help sakbia apiasa. Kasak lukan lakaba bilawali wark yamni daukaia wal aslasa. Iden kiadinkara Dawan mita Adamra wisata aibilawalbia dukiara dus mâtawina pibia apia. Nanara Jisas balanwal sin dukia wanwisa, padin laka briaiaaba kasak luki an bilawali lantakan kaiasa.

"Ao, upla selpwan karnikawal lika sipapiasa Dawan Lâ kaba bilawalaia bahamita Jisasra wan raiaka aiska yabaia nitsa: wan sinska, wan karnika an wanwinatara sut, witin yawanra iwaiasa bara Spirit Holikira karnikawal paskanka raiakum wandaukbiabawal baman sipkabia sinslaka an karnika briaia bilawalaia.

"Yu banira Dawan mihtara aimakaiasa witin wantabribia bara yawan sipkabia yabal kasakbara wapaia an bilawali lantakaia. Dawan bilaba staditakaiasa wan sinskara ulbi briaia an wanpura sunraba takaskaia apiasa, an aihwaki kaia waihlasaura traika kaikanka bribaliba puraluwaia." — *Mensajes Selectos, tomo 1, pp. 438, 439.*



MAKABANKA LUAN NANI BA LAKI KAIKS

1. Dawan Lâ ka kakulkra baku nahki daukankiba wapni kaiasna?
2. Dia Dawan bila kaikisa kristian kumi baniwina?
3. Dia muni Baibilra aima ailal Ebrahim kasakka dukiara aisisa?
4. Kakaira brisna tilara yaba Rahab baku aikupia lakan barasa?
5. Nahki yang kristian baku Jisas karnikawal puraluwaiasna?

STURI AISARASRA WANPURA SUNAIA

"Aismalks, bara aikrika bili wilkamna, diaura tawaurisa kaka aimariks bara tanka brimna." *Job 6:24*

"Uplakum aitwisa wilkisa kaka, witin lika waikna kasak, an sipsa aiwina tara aiska wapnira brikaia. 'Yawan heven ingnika painkira briba mita sipsa swakiwan sakaia ar patkara wanlakaaia. Sipsa wan sauhkaia apiasa kaka holi lakara wanbrihwaia. Yawan naiwa tasba tnatara iwisa kristian purataia baman kaia apiasa"— *Testimonios para la Iglesia, tomo 1, p. 276.*

Kau aisikaikaia: *Testimonios para la Iglesia, tomo 2, pp. 46–50, 282–286; tomo 5, pp. 52–56, 163–166.*

Sandi**Yahbra kati, 10**Baibil aisikaikaia ba: *Sturka nani 4-6***1. PRAUT LAKABA SWIAIA**

- a. **Aiwalkara sturi karna aisi naniba dia nutakaia nitsa?** *Jems 3:1; Mark 9:35)*

"Dawan aman wankaikisa yawan mita wan uplika walara nahki sturi aisiba, an bakusin upla wala mita karna wan aisabiasa kaka nahki ansamuniba."— *Consejos para los Maestros, p. 99.*

"Yawan uplasutba laiksa wanwinakat baman kaikikaia an praulakasin brisa. Sakuna aniuplika Jisas skulkara lantakanba witin aiwinakat baman kaikras. Jisas wan solkara iwisa bara heven suliarka baku wataukisa. Uplasutra wantsa helpmunaia baha nani kau tihmiara iwiba, kan witin nusa nahki aiwinakat trabil tar ayu banira briba waihla mapara aiklabankara.

"Wan uplika wala mistik takansa kaka swira daukaia apia. Yawan dia sipba traikaikaiasa witinra helpmunaia aitanka brih wapnira kli aimakbia dukiara, yawan pali wan raiaka sturka wiaia nahki aiklabanka ailal yu banira wanpurara baliba. Ao, upla baku mistik takisa sakuna bahamita Dawan mita lulki wanswiras, wilinsa ai helpka wankaia baha mistikkawina lisin painkira kum lantakbia an karnika bribia dukiara."— *Ibíd., p. 622.*



2. WANDAUKANKA KAU BITAR LANTAKAIA

- a. **Aiwalkara karna mamunra nanira dia Dawan aisisa, witin nani aimistikka lika kaikras?** *Smasmalkra 7:20; Jems 3:2.*

"Uplikam swapnika dukiara aisapara. Manpali raiakamba nahkismaba nusmaki? Man nubas uplikam wala saurka drusbisma pyuara Dawan mita yamni maikaikras. Dia daukaiasmaba lika uplikam purasuns Dawan mita karnika an sinslaka yabia ai mistikka nani kakaira takaia an puraluwaia Spirit Holikira karnikawal. Man Dawan mihtara swis witin daukbia."— *El Evangelismo, p. 193.*

"Uplikam wala laka aisidaukpara la aisi daukaiaba lika Dawan warkkasa yawan apia. Wihta aimakaia traikaikpara kan manpuramra sin patka kahbia apia dukiara. Manpali mistikkam naniba dukiara kupiam laks an inikira Dawanra puram suni makas padin maimunbia."— *Testimonios para los Ministros, pp. 295, 296.*

- b. **Nahki sipsa kaikaia uplakum rait kristian kasakba?** *Jems 3:2; 1 Korint 13:5.*

"Mapara babura twisaba lika wark yamni kumisin daukras an Dawan mawan ingnika sip witinra iwikapras.

Aniuplika aiwalka saurka drusbisa kaka lika witin setan spiritkara yaban aitabrisa bara aisinskara wark taski bribal dinkisa. Serts bilara karna wanpura sunaiasa wan twisa alki takaskaia lantakaia dukiara baha sikniska saurawina wanrakan kabia. Uplikam saurka aisaia watlikara kau bitarsa ai yamnika naniba dukiara aisaia. Wan muihni mistikka sirpikum dukiara uplawalawal aisisa pyuara bahawina kau tara takisa an helpmunia watlikara kauni sauhkisa." — *Australasian Union Conference Record, 15 de abril, 1903.*

"Dawanra makas sinslaka an karnika maikbia twisamba wilkaia. Ao nubas yakanlika yawan sipapiasa Spirit Holikira karnikawal baman sipsa yawan Dawan mawan ingnikara iwiba wantanka briaia. Jisas yawanra iwisa kaka witin wan twisa an wan lukanka naniba sut wapnira brihwan kabia" — *Testimonios para la Iglesia, tomo 7, p. 231.*



3. WAKIA WINA TAKRIKAIA

- a. **Panamunaia laka yawan brisa taim dia spiritka wantabrisa, nahki sipsa puraluwaia?** *Hibru nani 12:15; Jems 3:3–5.*

"Man maiam waikna an upla wala nani mita saura maimunanba kupiamra baha wihrika twilkisma. Trabilka naniba kau tara pawisa kan man kupiamra ban brismaba mita, baha taka man daukankam nanira sauhkisa. Witin nani dia saura maimunanba Dawan mihtara swis baha karbanka wihra twilki ban taki kapara kan bahawal kauman siknistakisma. Baha nani luanba dukiara kau lukpara an aisapara kan insauhkanka kum baku kau an kau latwan maikisa. Nubas wan twisaba sirpisa sakuna pautakum baku sauhkisa.

"Naha diara nani takamita spiritkamra sauhkisa an yaban sip pauras. Man mampara karna lukisma uplikam walara padin munaia. Dawan wantsa manra helpmaimunaia. Mamkabisa raiakamba Spirit Holikira mihtara aimakma bara sinslaka an karnika maikbia mistikam naniba wapnira mankaia."— *Testimonios para la Iglesia, tomo 4, p. 140.*

- b. **Sturi aisisa banira dia wansinskara brikaiasa?** *Jems 3:6*

"Wan aisanka nanibawal dia wankupiara briba uplara marikisa an wan daukanka nani latan takisa dia yawan lukiba."— *Testimonios para la Iglesia, tomo 1, pp. 603, 604.*

"Wan lakrika F, witin lika wan muihni an wan lakrika wala mistikka turbi kaikaia lihkisa an diara ailal sakansa aisisa. Witin aidaukanka taka serts bilara trabil ailal bribalisa."— *Testimonios para la Iglesia, tomo 2, p. 46.*

"Man sinskamra bribas uplikam wala dusakuhbisma an saurka aisisma pyuara Jisas palira swira daukisma kan witin aitalia holikirawal dusprignira atki wansakan saurka albika lakabawina. Setan warkkaba wandusa kuhbaia wan mistikka naniba dukiara, ya uplika sin spiritka briba witin sin setanwal asla warktakis."— *Testimonios para la Iglesia, tomo 5, p. 226.*



4. RAITKABIASIN AISAPARA

- a. **Dia karna winanka Dawan daukisa wantilara saurka tarakumba dukiara?** *Lawana nani 15:1-3; 1 Korint 13:6.*
-

"Apastel Jems naku ulbansa: upla nina aisasaraba witin liliaka kum baku brisa aiwalka saurka drusbaia, witin nani wal prawisa pyuara lika pauta klahwan bakusa ban sat sata misa. Upla umpira kumra nahki sauhkiba lika aikupia bahara mankras. Aibrinkaba lika sauhkaia sin li tihukumra baku yaka rumhwaia. Sturi kuninsin wal prakisa saurkaba kau tara daukaia dukiara. Witin ainina baman lika kristian brisa sakuna ainakra prakisa, diara rait, kasak an holiba yaban aikupiara iuras. Aiwalka mistikaba wantsa yaka uplasut nutakbia bara witinra mayara bataki lawaska kiki purawinaia." — *Testimonios para la Iglesia, tomo 1, p. 37.*

"Setanra kupiam durkaba saki yabisma witin mita kuntrul mai munbia dukiara. Diara ailal turbi kaikismaba setan spiritka mita tambrisa. Daukanka yamni, kasak, wapni nanibara kulkanka kumisin yabrasma, ao mani ailal kristiansma sakuna bahkira baman wartakisma. Misbara kaikaia lakaba, panamunaia laka naniba Dawan wina apia, setan mita upla kupiara dinkisa bar adiara klin, wapni an kasak dukia nanira latwan kaikras. Sakuna diara wahra, taski an kunin dukia nani nina blikisma. Muihkam dusa kuhpara bankra raitkabisin Dawan mihtara swis witin mita wapnira mankbia ai laka kasak an ailatwanka lakabawal. Yawan wan warkka apiasa wan uplika laka aisidaukaiaaba.

"Wan muihni saurka aisi ailaka daukisa pyuara man bahara kasak lukisma kaka *Lawana nani 15:1-3* katba aisikaiks." — *Testimonios para la Iglesia, tomo 5, pp. 54, 55.*

- b. **Saurka matlalkahbi pura kum (7) bawina an wan aisanka wal takrikisa?** *Sinslaka 6:16-19.*
-

**5. SURD KUM INSAUHKIBA**

- a. **Dia muni yawan upla nina aisisa, nahki sipsa puraluwaia?**
Job 6:24; Sinslaka 11:13; Matyu 26:20–22.

"Upla wala saurka aisasara naniba nahki kabia witin walbiasa kaka aisaurka dukiara uplawala aisikabia pyuara, wibiaki trabil apu uplasut mawanra aisaks? Apia yukwaia traikaikbia ki? Yawan traikaikaia uplasut painka dukiara, sauhkaia ar mayara batakaia dukiara lika apia, ban istikaia apia dusakuhbanka nanira kasak lukaia. Kan aima manas waihla sauraba upla lukanka taski nanira yusmunisa kunin daukiwal wansauhkaia, ar diara sirpikum wina diara tara daukisa. Tuman, misbara, nina aisanka naniba inma ma saura baku waihla mita upla kupiara mankisa. Wan muihnikum kawansa kaka yawan diasipba daukaiasa witinra kli bukaia. Bahahnu aslataki wanpura sunaiasa witinra bukaia dukiara." — *Testimonios para la Iglesia, tomo 7, págs. 279, 280.*

"Daiwan nani tilara satka kum kum ba aipanika wina piiaiba lihkisa, helpmunaia lika plikras. Parisi nani pyuara witin nani uplakum saurkara kahwan pyuara walpani sabi ikaiaba ridikan. Naiwa yawan wantilara nahkisa? Kau saurasa, upla mawanra lika pain aisisa kuna ninara saurka aisisa" — *Testimonios para la Iglesia, tomo 5, p. 55.*

"Wan uplika nina aisi, laka daukiba watlikara kau bitarkan witinra helpmunan kata. Jisas purasunraba yawan kumi bani latwan laka brikabia makaban wan muihni nani tilara" — *Testimonios para la Iglesia, tomo 5, p. 165.*

**MAKABANKA LUAN NANI BA LAKI KAIKS**

1. Dia muni yang upliki wala mapara uba karna sturi aisaia apiasna?
2. Aisas kristian daukanka painkira kum naiwa yawan daukrasba?
3. Wan muihni saurka drusbisa pyuara nahki Dawan wan kaikisa?
4. Lawana nani 15 bawina dia lantakaia yang nitsna?
5. Serts bilara nahki yang unsabanka bukisna, nahki takaskaiasna?

WAHBI BRIAIA DIAURA LUKAIABA

"Nahki sturi yamni aisama, saurakirasmaba? Kan kupiara diara ailal briba wan twisa aisisa" *Matyu 12:24*.

"Kau sturi aisaras kainara puram suns, heven ensalka naniba help maimunbia an setan ensalka nanira kanbi sakbia kan witin nani Dawan mawan swira paskaia plikisa an swapni wandaukaia."—*Testimonios para la Iglesia, tomo 2, p. 75*.

Kau aisikaikaia: *El Discurso Maestro de Jesucristo, pp. 106–109*.

Sandi**Yahbra kati, 17** Baibil aisikaikaia ba: *Sturka nani 23-25***1. PUISIN SAIKAIA**

- a. **Upla nina aisasara nani tilarasa pyuara Dawan dia wankupia kraukisa?** *Jems 3:7, 8; Hibiru nani 10:38*.

"Dawan ensalka naniba wan muihni J ra helpmunaia wantsa, kan witin tihmu tararasa. Aikiamara sturi saura baman walisa, bahawal namhpara lukisa an aitwisa aisanka naniba saurkara bamansa. 'Upla kumisin sipapiasa aitwisaba timdaukaia, kan saurka wankupiara bahak bal takisa pusin saurakum baku'. Jems 3:8. Wan muihni J witin Dawanra karna alkbiasa kaka sipkabia bapibuwaia nahkijat trabil ailal aipuraraba sutwina, an hevenwina karnika yaban kabia. Sakuna witin setanra chans yabiasa kaka lika airaiaka aiska tihmia tara an kasak lukan laka sut lustiubia. Bara aisturka aidaukanka nanisutba watawi lakara baman kabia.

"Witin lukbiara aipanika naniwal painkaia dukiara Dawan wina laihwra takaia. Diara kumi witin daukaiakanba lika Dawan bilawalaia, aiuplika nani wantapia kabiasin. Naha tasba kukanka apukabiakra witin ban kasak luki kaiasa. Dawan lika wan sinskara dia baraba witin sut nusa nahki sat yawan trabil briba wan kaikisa sakuna ban wanswika wan sauhkbia apia. Wan muihni J tawi Jisas minara bal kauhbiasa kaka aikasakka lakara paubia Dawan Spiritka Holikira mita sinslaka an karnika yabia diara tara an tihuraba aitanka briaia."—*Testimonios para la Iglesia, tomo 4, pp. 233, 234*.



2. PULAIA DUKIAKUM APIA

a. Kunin aisasara nani dukiara Dawan dia wanwisa, nahki puraluwaia sipsa? *Lawana nani 5:8–10.*

"Wantwisa wankanba lika Dawan mita present painkira kumsa. Wantwisaba lika sirpisa, sakuna witinku yawan sturi aisiba tarakaia sipsa upla wan wali nanira. Dawan naku aisansa: 'Upla kumisin sipapiasa aitwisara timdaukaia'. Wantwisa aisanka taka unsabanka an wâr nanisin bukisa nisan kum an walawal. Wan aisanka naniba sin pauta tarakum bakusa sin daskras; Taniwalara wan aisanka naniba taka wankupiara liliatara bribalisa, Dawan aisansa: 'bili aisanka naniba aisas', bara upla ailal aikupialakisa.

"Wan aisanka naniba amanpali kaikaiasa pulaia dukia apia. Ban tanisra kaia apia, kan karnika tarabrisa yamnira brihwaia apiasa kaka saurkara brihwaia."— *Comentario Bíblico ASD [Comentarios de E. G. de White], tomo 3, p. 1161.*

"Setan mita traikam kaikbiara ban sturi tanis aisaia. Amiara bribas Dawan ensalka naniba lamamrasa dia aisisma nanisut ulbi brisa bara latara yuara mamwanra sakan kabia. Sakuna kupiam laki padin takmasa kaka Jisas aitalia holikirawal heven bukkara ulbanba sipsa klindaukan kaia. Sakuna baha ninkara man sturi aisaisma taim aman pali kaiks yamni apiasa kaka kanra yamnisa bilam praki aisapara. ."— *Testimonios para la Iglesia, tomo 2, p. 75.*

b. Aisas nahki wan aisanka naniba wan lukankawina takisa? *Jirimaya 17:9; Matyu 12:33–37; 14:6–8.*

"Wansturka nani aisiba paramra sakisa dia wankupiara baraba. Sturi bahki ban inipas an selp aimayunra dauki apia kisi sturka aisi yaban upla kiki naniba sut setan mita wankupiara bribalisa, bara ani uplika bahasat sturka nina blikiba witin setan spiritkara yaban aitabrisa. Kristian kasak kumba nahasat aisanka nani tilara kaia apiasa bankra manlike aisaras sakuna kikanka nani tilarasmaba mita aikuki bakusma sin man paliaisisma pitka."— *Testimonios para los Ministros, pp. 84, 85.*



3. UPLA WANKAIKRAS KABIASIN KASAK KAIA

- a. **Kristian baku wan aisanka an wandaukanwalba nahki sin baku kaiasa? Jems 3:9, 10. Baku apiasa kaka dia wankupia kraukisa?**

"Wan sinskara yawan dia bribasut lika Dawan nusa an heven bukkara ulbansa kan bahawina wantwisaba aisisa baha naniba wan helpkara kaia sipsa apiasa kaka wanmapara kabia latara daukbia pyuara. Wan aisanka naniwal sipsa Dawanra mayunra yabaia apiasa kaka setanra mayunra yabaia. Bansa kaka amanpali kaikaiasa upla kumi bani dia wan sinskara briba. Diara wala nukaiasmaba wan aisanka taka wan daukanka, wan iwanka, wan wapanka nanisutra sauhkisa taski daukisa bara man tanka upla ailal mai kaiki naniba manwina lantakisa an sipsa tiwaiara waia."— *Testimonios para la Iglesia, tomo 4, p. 240.*

- b. **Nahki wanpura suni makabaiasa wan aisanka an wan daukankawalba kumikabia dukiara? Lawana nani 86:11.**

"Upla ailal gaspel sturka yamniba walisa pyuara Jisas pruankara kasak lukisa bara witin kristian takisa, baha uba painpalisa, sakuna diatakisa? Kaina ai tnatka almuk naniba swiras: aidaukanka, iwanka, aisanka naniba bansa dia kainara idan daukikata baku. Dawan Spiritka Holikira mihtara aimakras airaiaba paskanka raiakum daukbia dukiara. Jisas mawan ingnika witinra iuras."— *Testimonios para los Ministros, p. 160.*

"Aihwaki an wanpura sunaia nitsa. Wan raiaka aiska Dawanra yabaia bara Spirit Holikira mita waikna an mairin raia wandaukbia, kainara watawi lakara iwikan an daukikan dukia naniba sutwina pritakbia bara Dawan mawan ingnikara yu banira wapikabia. Hevenra waia suliarika nani lika Jisaspali aikupiara yaban iwisa."— *Testimonios para la Iglesia, tomo 2, pp. 202, 203.*

"Jisasra kasak lukaia baman lika apia sakuna witinwina lantakaiasa wan daukanka, wan iwanka, wanaisanka nanibasut satwala takan kaia. Ao, yakan wan karnikawal lika yawan sipapiasa baha mita yu banira Spirit Holikira mihtara aimaki kaiasa."— *Ibid., tomo 5, pp. 121, 122.*



4. LIKARMAKUM KLIN

a. Nahki Spirit Holikira karnikawal baman sipsa wan lukanka klin daukaia? *Jems 3:11, 12.*

"Wan kwalka klin adarkat, an wanwatlabilara diarasut klin brikaiaba lika sabat kakulkra kumi bani warkkasa, idan nani mita wan watchka takisa wan swapnika kum kaikaia. Wan watlabilaba yu banira klinban brikaiasa, wan aisanka nanibasin swapni an tanka kat wan sturka naniba aisi lantakan kaiasa hevenra waia suliarika kum baku. Dawan Spiritka Holikiraba mita wan daukanka taski, wahra nanibasut wapnira an klin lakara wankan lantakisa, sakuna ani uplika taski lakara kau iwaia lihkiba witinra Dawan Spiritka warktakra. Wan kwalka dimra, wan sturka aisanka nanibawal yawan marikisa Jisas yawanra iwisa sapa. Li karma klinkumwina sip apiasa li taski aubikaia. Wanpura sunra watlaba aima manas tuktan nani mita taski daukisa. Aisa an yapti nani mita swin tuktan naniba priaswatla bilara plapisa, aipulaika nanisin brihwisa priaswatlara an plun piaia dukia nanisin. Priaswatlara yawan balisa Dawan mawanra witinra mayunra yabaia bahara bindaukaia apiasa. Priaswatlaba kaikras kaka markit kum bakusa, diara naniba adarkat apiasa, Dawan nakrara yamni kaikras. Aisa an yapti naniba sip ailuhpia nanira kuntrul munras kaka kau kanra yamnisa aiwatlara takasbia, kan blisin briaia watlikara kauni latuban selp aipurara bribalisa. Aisa an yapti nani pahpaiarasa tuktan naniba lakat brih pakaia sakuna ban swibiasa kaka daiwan lupia baku selp aibrinka kat paubia, Dawanra kulkanka yabras an aisa, yaptiwalrasin respek apu. Bahasat tuktika naniba pawu tara takisa pyuara aisa an yaptira swira bribalisa an tawan bilara upla almuk nanira sin kulkras.

"Aisa an yapti naniba ailuhpia nani kau sirpiwina landaukaiasa bilawalan lakaba an Dawanra sibrin briaiaaba. Uvla bilara titanra an tutnira prias dauki kaiasa, Baibil textka nani an wanpura sunaia landaukaiasa. Uvla bilara wark sirpi nani tuktan sipba ya daukaia. Ban swika yu aiska diara daukras pulaia baman kaia lika apia."—*Spiritual Gifts, tomo 2, pp. 288, 289.*



5. SINSLAKA WAL DIARA TANKA BRIAIA

- a. **Dia muni yawan kumi bani wan lukanka tanka pliki kaikaia, wan aisanka an wan daukanka naniba? 2 Korint 13:5.**

"Man nani selp lukankam tanka naniba laki kaiks kasakka lakarasma sapa' 2 Korint 13:5. Aisankam, lukankam, daukankam naniba laki kaiks, kan wan nitka nanisut purkarasa naha diara nanina. Spirit lainkara pawaiaba lika nitsa yu banira wan raiaka selp laki kaiki kaiki lantakaia an wan swapnika naniba dukiara Spirit Holikira karnika an sinska laka makabaia puraluanka wankbia dukiara."—*Mensajes Selectos, tomo 1, p. 104.*

"Muihki an laikra nani, sturkam naniba nahki aisisma, twisam alki takaskaia lantakramsa ki? Sturi bahki kisi an kunin sturka nani aisi pyuara tilara ban wismaki? Dawan bila holikiraba kupiamra iwisaki? Kan baku apiasa kaka setan mita twisamba yusmunbia witin aiwarkkara. Ao, yawan yakan lika sipapiasa bamita yu banira Spirit Holikira karnika makabaiasa."—*Testimonios para la Iglesia, tomo 5, p. 163.*

"Ani uplika yu banira Spirit Holikira mihtara aimakisa kaka witin sinslakara pawankabia diara tara an tihura naniba tanka briaia. Baku lika diarasut daukiba yamni an kasak lakara baman kabiasa. Ai iwanka, daukanka, wapanka nanisutbara pawanka brinkabia. Jisawawan ingnikaba witinra iwikabia, baku lika ainakraba hevenra dukia nanira manki brikaia, an tasba dukia luwiwaikira nanibara bahki kulkbiasa."—*Mensajes Selectos, tomo 1, p. 396.*



MAKABANKA LUAN NANI BA LAKI KAIKS

1. Upla nina aisisa pyuara yang nahki ansa munaiasna?
2. Upla aisturka nani aisiba ani wina takisa?
3. Wan sinskara wâr aiklabiba dukiara aisas. Nahki sipsa wentakaia?
4. Dia daukanka an aisankawal marikisa likarma taski kupira baraba?
5. Nahki tnatkara baman sipsa kupi taskika naniwina klin takri kaia?

BAWIKIRA KAIA SINSLAKAWAL

"Man nani tilamra uplakum sinskirasaki? Wark yamni an bawikira lakawal marikbia." *Jems 3:13.*

"Jisas tasbara taukikan pyuara airaia aiskaba satwalakan: wapni, klin an kasak, ailatwanka laka an nahki sturi swapni aisikanba mita upla ailal ailamara balikan. Upla umpira naniba sibriras Jisasra plikibalikan."— *Gospel Workers (1892), p. 261.*

Kau aisikaikaia: *Testimonios para la Iglesia, tomo 5, pp. 156–166*

Sandi**Yahbra kati, 24**

 Baibil aisikaikaia ba: 1 Korint 1-4

1. DIARA PAINBA SIP TANKA BRIRAS

- a. **Dia saurka tarakumra yawan kahwaia apiasa, dia muni?**
Jems 3:14, 15.

"Aniuplika witin setan bilawali aikupia durkaba saki yabisa pyuara witin aisinskara lukan taski nani baman setan mita bribalisa, diara wahra, lawan, tuman, nina aisanka, tarapulanka an upla wala saurka drusbaia lihkisa, sakuna witinpali lika aidara walras bara uba painsa lukisa. Nahasat uplikaba prias dimaia laikapia sakuna witin upla saurka aisaia lika lihkisa. Spirit Holikira sip witinra warttakars kan uba painsa aidarawalisa. Jisas mawan ingnikaba witinwal apiasa yakanman taukisa.

"Amanpali kaiasa smalkanka wahra nani setan mita wantilara bribaliba. Witin nani aisisa yawan uplaba wansinskara karnika tarabrisa wan daukanka naniba tawatilakawina kasakka lakara tawaia. Upla manas nahasat smalkankara kasak lukisa sakuna aidarawalras baha setanwina bribaliba tanka. Naiwa laspyuara yawan iwinara setan karnapali warttakisa Dawan bilaba wihki kuninlakawal miksmunisa bara kaikras kaka rait taliasa an upla ailalpalira kunin munisa. Hevenra waia suliarika naniba lika diara klin, wapni, holi an kasakka lakara wapikaiasa minitkumirasin saurkawal pulras."— *Comentario Bíblico ASD [Comentarios de E. G. de White], tomo 7, p. 949*



2. DAUKANKA KUM PUISIN BAKU

a. Misbara an unsabanka lakabawina dia baliba dukiara aisas? *Jems 3:16.*

"Serts bilara uplakum lukan taskiwal aimuihni nani saurka aisisa pyuara Dawan Spiritka Holikira bahara apu kan leven baku witin bilawina sauhkisa aiwalka nanirasin, nahasat trabilka tilara tauplika naniba istiwarktakaiasa saurkaba kau yaka pawaiia apia dukiara. Jisas witin aipura sunan pyuara Dawan Aisara makaban kristian naniba aslakabia dukiara, sakuna setan mita nina aisanka naniba serts bilara bribal dinkisa pyuara Dawan warkkara sauhkisa."— *Comentario Bíblico ASD [Comentarios de E. G. de White], tomo 7, pp. 949, 950.*

b. Setan mita uplara kupiara misbara an tuman laka dinkiba tilara yawan kristian baku nahki kaiasa? *Jan 13:34.)*

"Serts bilara kristian nanira landaukan kaiasa upla saurka drusbaia apia. Kumi banira wanwinansa Jisasra kaikaia an witin wina lantakaia bawan an prilaka. Uplikam nani diapali trabilka brisapa man nuapiasma sakuna istisma laka aisidaukaia. Kristian warkkaba pana pana wan muihni nanira helpmunaiia wan trabilka nani tilara, sakuna saurka drusbi an laka aisidaukaia lika apia, baha Dawan mihtara swiaiasa."— *Mensajes Selectos, tomo 1, p. 3.*

"Yabrika Jisas kupiamra iwikabia baku lika prilaka baman kabia lukankam nanira. Man Spirit Holikira mihtara yu banira aimakibas lukan bahki nani manra setan bribali pyuara kanbi saks, uba sipkira pulpara, Dawan wal wapibas tihmiara an kaknara sinbaku ."— *Testimonios para la Iglesia, tomo 2, p. 378.*

"Pana pana wansaurka drusbi wan ninara aisisa pyuara Lâ krikisa kan Dawanra an wan uplika walarasin latwan kaikrasba taka. Muihni an laikra nani unsaban, nina aisanka, misbara, tuman, tarapulanka nanisutba lika setanwina bribalisa. Dawan brindaukiba lika yawan aslakabia wan muihni an wan lakra nani aikuki latwan kabia."— *Comentario Bíblico ASD [Comentarios de E. G. de White], tomo 7, p. 950.*



3. TRAIKA TILARA NAHKI KAIA

- a. **Dawan Lâ kara laltwan nani dukiara dia aisisa?** *Lawana nani 119:165.*)

"Man lukpara man ninamra aisisa ar kulkanka maikras, an mai sauhkaia wantsa. Sakuna bahasut lika setan mita lukankamra bribalisa sakuna baha baku apia. Lukan tanis, wahra nanibasut lika setan mita bribalisa." — *Testimonios para la Iglesia, tomo 2, p. 378.*

"Tasba uplika naniba saurkara latwan kaikisa an diara kasakbara misbara kaikisa, Jisas palira diamunanba bahawina yawan lantakaiasa. Idan nani mita kristian nanira misbara kaikisa. Kan Jisas mawan ingnikaba laik apia wan raiaka kasak, wapni an holi lakara iwaiaba. Spirit Holikira mita wantabrisa pyuara wan lukanka, wan daukanka nanisutba klin, an kasakka lakara wanbrihwisa, saurka nina bliki uplika lika taski lakara baman lukisa.

"Idan nani mita apastel nanira rausauhki ikikanba baku, naiwa laspyuara kristian kasak nanira rausauhkan kabiasa kan Jisasra misbara kaiki ikanba baku tasba uplika nani mita kristian rait aihwa nanira misbara kaikisa. Sakuna bahawisi yawan sari ar sibrin briras kan wansinskara kler brisa diaura kasak lukisa. Trabil nani wanpurara baliba taka yawan ban drinh swapras kan baha nanibak yawan luwi waiasa sin gûl pautani anki klin daukiba baku wan saurka nanibasut wina klin wandaukaia dukiara." — *El Deseado de Todas las Gentes, p. 271.*

- b. **Patkaskan patkira wan kulkisa pyuara dia wankupia krauki kaiasa?** *Matyu 5:11, 12, 41; 1 Pita 4:12–15.*

"Jisas tasbara balan pyuara dia munanba setan an aiuplika naniwal mita: rausauhkan, saurka drusban, kunin aisiwal dusa kuhban an laskat patkas dusprignira sabi ikan. Baha ninkara Jisas disaipilka nanira nahki rausauhki ikan. Valdensi kristianka nanira nahki rausauhki ikitiki bahwan kiatalik nani mita. Naiwa las pyuarasin kristian kasak naniba rausauhkan brinkabia wanwinsa." — *The Review and Herald, 24 de julio, 1888.*

4. HEVEN SINSA LAKA

- a. **Sinslaka hevenwinaba nahkisa, dia muni yawan nitpalisa briaia?** *Jems 3; Matyu 5:8.*
-

"Dawan hevenka painkirara saurka yuika sirpikumsin dimbia apia. Jisas taliara aikwalka sikbi klintakan, holi an kasakka lakara iwilantakan Spirit Holikira mita paskanka raiakum daukan waiknika an mairka nani baman heven diman kabiasa. Jisas mawan ingnikaba wankupiara iwisa kaka yawan sipsa holitakaia selp wankarnikawal lika apia.

Jisas naku aisata: 'Yamnipalisa baha uplika aikupia klin briba witin nani Dawan mawan kaikankabia'. Kristianikum purataia baman lika apia sakuna rait aihwa Spirit Holikira mita chensmunan an nanara kupia raia an Dawan Spiritka witinra iwisa. Prautlaka, tarapulanka lakasutwina pritakansa "— *El Discurso Maestro de Jesucristo, p. 25.*

- b. **Jisaswal prawaia ridadisa pyuara wan sinskaba diaura kaiasa?** *1 Juan 3:2, 3.*
-

"Yu banira Jisaswal wapiba mita wan daukanka, wan iwanka nanibasut satwala takansa. Spirit Holikira mita sinslaka an karnika wankansa Dawan bilaba tanka kasak briaia, Dawan Aisara an luhpia Jisas kraistra sinbaku. Nanara yawan heven dukia naniba tanka kler brisa an bahara latwan kaikisa an wanbrinkasa Jisaswal kau talia takaia bara lilia lakawal wankupiaba aibahwansa.

"Spirit Holikira mita sinslaka wankanbawal nanara Dawan paskan dukia nani pranaba tanka brisa. Aikupia pihnika laka param wanmarikanba aibila holikirara tanka yawan brisa. Naha diara nani lika tasba sinskirka nanira yukukan sakuna yawanra wankan tanka brisa. Spirit Holikira karnika wankiba wal baman yawan sipsa Dawan bila tanka tihura bara naniba tanka briaia, tasbara skultara dimiwal lika apia. Yawan kau tasbarasa sakuna pat heven suliaraka takan bara tasba dukia nanibara bahki kulkisa, heven pranaba kakaira takanba mita. Nahara pyu kunhkura trabil nani ailal wanpurara balbiaba bahara wansinska mankras."— *Ibid., pp. 26, 27.*



5. DAUKANKA YAMNI WALA

a. Kau dia daukanka yamni wala dukiara Jems ku Dawan wan aisisa? *Jems 3:17.*

"Yawan nitsa Jisaswina lantakaia, bawan laka, wan spiritkara umpira kaia. Ao, yawan uplabaku warkyamni nani sipsa daukaia sakuna Dawan Spiritka mita holi daukras kaka bahasutba taski takisa. Wan sturka aisanka naniba swapni an tanka kat kaiasa, ban istia n prautlaka an taiban laka wal lika apia, serts tauplika kum bakusa kaka Dawan warkkara sauhkanka tara bribalisa. Wan tilara nitsa respek lakawal wan sturka naniba aisikaia, wan muhni an wan lakrika nanira tanka kat bawan lakawal swapni aisaia, kan baku apiasa kaka wan smalkanka nanira sauhkisa an karnika tikisa."— *Liderazgo Cristiano, p. 15.*

"Pasin tara nani warktatakra ailal aikuki warktakiba aman pali kaikaiasa aisuliarka nani spiritka mayara batakaia apia. Tabaikan bilawal sturi aisikaiasa, yarka suliarnani ailukanka namhpara bribia apia dukiara. Pasinkum witin pat mani ailal Dawan warkkaraba lantakan kaiasa Spirit Holikira mihtara aimaki warktakaiaba.

Warkra namika baldiman wahmika kumkum bankra warktatakra wala naniwal pain brihwaras kabiasin pasin almuk nani mita witin nanira paiwi warktanka kasak daukaiaba smalkaiasa. Wan warkka tilara bawan laka kupia kumiwal warktaki kaiasa, bankra warktatakra kum raya baldimanba uba aitanka kasak briras kabiasin tabaikaia nitsa. Warktatasut latwan lakara pawan kaiasa sin dustara pawiba baku."— *Testimonios para la Iglesia, tomo 2, p. 122.*



MAKABANKA LUAN NANI BA LAKI KAIKS

1. Dia pyuara yangra trabilkum takisa pyuara isti la daukisna?
2. Nahki yawan Dawan Lâ ka krikisa wan walka nina aisibawal?
3. Uplakum yang dukira saura aisisa pyuara dia kupi kraukaiasna?
4. Wankupia klin brikaia dukiara Baibilra wan aisiba dia tankasa?
5. Nahki yang uplikiwala wal isi tnatkara aisi lantakaiasna?

Pas sabat kaliksanka

Colombia kuntrikara Yunian apiska makaia helpka

Colombia lika america muna tanirasa, upla bahara iwiba lika 51 milian pitkasa. Diara satka ailal paskisa baha tilara tasba muhtawina ail sakaia warkkaba tarasa. Kwala satka ailalsin paskisa, insla warkka, bank an wark wala satka ailal. Kiatalik sertska lika tarasa 73%



upla naniba bahara aslatakisa, 9.1% upla naniba kristian sertska apia, 6.9% naniba lika hermanos nani, 6.5% lika serts apu, an 2.9% lika kiatalik mapara daknika nani bara 0.9% upla naniba Dawanra kasak lukras wisa. Baku bara isilika apiasa nahara Adventist warkka daukaiaba.

1960 mankara ensal yumhpa smalkankaba Colombia kuntrikara balan, nahara warkum luanba ninkara. Ban trabil takan mani matlalkahbi purakum luan ninkara membars yawan 100 brikan, bara sertsukum baku gabamint mita kulkanka wankan, baha pyua nanira pasin nani mawara baman brikan sakuna witin nani aikupia aiskakira Dawan warkkara tabaikikan, pasin ailal kuntriwalawina aiwatla swisi balan Colombiara wantabaikaia dukiara.

Tingki Dawanra wisa 2006 mankara, Colombia Yunian ka asla daukan, misan yumhpawal. Wan apiska brisa Barbosa Santader tawan baiki sakankara.

Dawan warkka kau pakai dukiara yawan nitsa apis yawan briba kau tara makaia. Nahaminit yawan tasba pistarakum brisa vahara wan apiska makansa, an misaniry skulka watlasin barasa, nahara yawan prias daukisa an wan kaikaia balinanira Dawan bila smalki landaukisa.

Naha kati yumhpara man nani tasba aiskara dia presantkam yamaba help tara kabia naha warkka tukbi taura brihwaia. Bara man nani wilinkira mihtan sakbi Dawan warkkara tabaiks baku hevenra kukankam suni swis yula alkras an maka alkras pliskara.

Muihni an lakri nani tasba aiskara tingkikam saki banhwisna kau kaina manas wina presantkam wankramba dukiara.

Muihkam an lamkra nani Colombia Yunianka wina

WANDAUKANKA SAURABA SWIAIA

"Jisasra bal an bilawals an setan mapara bus, bara witin manwina plapbia." *Jems 4:7*).

"Jisas warktara wan helpkara daukanba kata witinra latwan kaiki an aibila smalkanka kasak nanira nina blikibawal yawan karnika bribia puraluia."— *Testimonios para la Iglesia, tomo 4, p. 41*.

Kau aisikaikaia: *Testimonios para la Iglesia, tomo 3, pp. 48–56*.

Sandi**Krismis kati, 1** Baibil aisikaikaia ba: Galisan 1-3**1. KASAK KAIA DIARA BRIAIA LUKANKAWAL APIA**

a. **Heven sinska laka las walba dukiara aisas** *Jems 3:17*

"Apastel Judas ku Dawan naku wisa: 'Muihkam kumi wala nanira bris latwan lakara an kaiks witin spirit brisa sapa'. Judas 22. Nara Judas wan aisiba lika kumira kau tara kulkaia dukiara apiasa. Tasba uplika nani tnatka nina bliki, wel yangwal painsa kaka yangsin witinra pain, baha lukanka lika yamni apiasa. Upla mawanka kulkanka yabisa witin tasba kukanka brisa sapa. Yamni munisa pana witin wina diarakum briaia dukiara, bahasat lukanka lika heven wina apiasa."— *Testimonios para la Iglesia, tomo 4, p. 219*.

"Dawan yamni kaikras serts bilara kristian nani tilara upla mawanka kulkiba. Dawan wantsa yawan kumi bani rait aihwa kristian kabia kasakka lakara dia mistik barasa kaka wapnira mankaia. Dawan bilara ulbanka kat wan walkawal aisikaia. Taibi munanka apukaiasa. Serts bilara taskiba klindaukaia dukiara Dawan pat wanwinsa dia tnatkawal daukaiaba. Upla mawanka kulkiwal lika apia, saurka sirpi ar tara kulkaia sin apia. Yawan kumi bani Spirit Holikira mihtara aimakaia sinslaka an karnika wankbia diara tanka briaia. Nahki wan walka saurkara kahwanba helpmunaia kli bukaia, sakuna danh witinra kanbi sakisa lukankawal lika apia. Upla kumi bani solkaba Jisas mita kulkanka tara yabisa kan witin dusprignira aitalia laikan wan atki sakaia, bamita ban istikira kaia apiasa witin laka aisidaukaiara."— *The Ellen G. White 1888 Materials, p. 144*.



2. WAN WEDNISKABA KASAK KAIA JISAS WATLIKARA

- a. **Wan aisanka nanibawal nahki marikaiasa Jisas yawanra iwiba tanka?** *Jems 3:18.*

"Yawan sipa wan twisawal lika Dawan Dawan wikaia, sakuna wan daukanka wal lika diarawala. Spirit Holikira mita kupia raiakum wankan taim wan daukanka, wan wapanka, wan aisanka nanisutba chenstakisa. Kainara prautkira kanba nanara bawikira laka lantakansa, kainara sturi bahki aisaia laikkanba nanara sinslakakat wan sturka naniba aisisa. Jisas wan raiakara iwiba wan wedniskawal upla sipa nutakaia. Sakuna ani uplika Spirit Holikira mihtara aimakrasba witin tasba dukia lihkiisa an sturi ban tanisman aisisa, selp aimayunra plikisa, witin airaiakara Jisas iuras.

"Yu banira Dawan bilaba aiskaiki kau lantaki kaia, wanpura sunraba takaskras brikaia, Spirit Holikira mihtara aimakaia kasakka lakara wanbrihwabia an holilaka wankbia iwikaia. Upla ailal uba tasba dukia lihkiiba mita witin aisinskaba titanwina tutnira kat selp aibisniskara bamansa taim apusa Dawan bila stadi takaia an aipura sunaia."— *Testimonios para la Iglesia, tomo 1, p. 273.*

- b. **Wan raiakara dia trabilka kum puraluwaia nitsa, dia muni?** *Jems 4:1–3.*

"Wan lukankara sari lakaba setan spiritka mita bribalisa yu banira wan watlabila trabilka nani kaikisa pyuara. Wan warkkaba uba mayara kulkanka yabisa bawal satispais briras. Sakuna bahasutba lika wan prautka lakawina balisa. Kristian ailal witin brukwaia laiksa an aiumpirka dukiara upla walara aisisa. Bansin witin lukisa wan mawan lilia brikaiaaba saurkakum. Sakuna witin mistikrasa." — *Ibid., tomo 3, p. 366.*

"Yawan uba plun ailal pisa taka wan biaraba uba warktakis an wan sinskara pasa aitaniwaras baha taka sip sinslakawal wan warkka nanidaukras." — *Ibid., tomo 2, p. 333.*

"Jisas mawan ingnikaba wankupiara iwisa pyuara lilia an prilaka wankisa, ao trabil nani sipa wanpurara balai sakuna baha nani tilara ban drih swapas, kan yawan nusa bahak Dawan wan brihwisa wan kasakkara paubia dukiara." — *Ibid., tomo 4, p. 50.*

3. TRAIKA KAIKANKA WINA PLAPI SWAKWAIA

- a. **Dia sikritka yawan nukaiasa Jisaswal wapaiara, wan nina baman kristian brikaia apia?** *Jems 4:4.*

"Ani uplika ainina baman kristian briba witin tiskupali setan suliarika tilara kabia, ao bankra taura witin Jisasra kasak lukan sakuna bahawina aininara tawan. Nanara kli aidaukanka wahra nanikata nina blikisa, bahasat uplikaba Spirit Holikira mihtara aimakraskan airaiaka chensmunbia dukiara.

"Upla ailal barasa witin kristian kaia wantsa sakuna sintaim tasba dukia nanira lihkisa, witin lika setan suliarikasa. Kan purataia baman ainina brisa sakuna rait aihwa lika apia. Spirit Holikira mita paskanka raiakum daukan waiknika ar mairka naniba witin diara kasak, wapni an holi lakara iwaia lihkisa. Uplakum selp aiwina brinka nina blikibawal yawan sip asla takras, kan wan raiaka Jisas wal aslaba sipsa lustiwaia. Setan kiukawina plapi swakwaiaba selp wan karnikawal lika sipapiasa" — *The Review and Herald, 19 de abril, 1898.*

- b. **Dia muni misbara lakaba wan raiakawina sakaiasa?** *Jems 4:5,6.*

"King Sal swapnika kau tarakanba lika witin lihkikan upla mita witinra mayunra yabiaba. Baha saurkaba aisinska an airaiaka aiskara taibi brikan, baku lika diarasutra witin plikikan mayunra an tarakulkanka uplamita witinra yabia. Kulkanka yabisa wisi uplara yaban aimihta prukikan. Dawan bilara naku ulbansa: 'upla mita yamni maikulkbia dukiara daukisma kaka Dawan yamni kaikras'." — *Patriarcas y Profetas, p. 704.*

"Tuman lakabawina misbara lakaba balisa. Ken witin tumanba taka aimuihnira misbara kaikan an ikan, Sal witintuman an misbara kaikanba taka David nina blikikan ikaia, want apiakan witin aipliskara king aimakbiaba." — *Ibid., pp. 705, 706.*

"Latwan laka, tingki wiaia lakabawal wankan Dawan minara bawisa. Jisas wark tara wan helpkara dusprignira daukanbara wan sinska mankisa." — *Testimonios para la Iglesia, tomo 4, p. 50.*

4. KAIKANKA AN BAWAIA

- a. Saurka puraluwaiasa kaka yawan dia daukaia nitsa?** *Jems 4:7.*

"Upla yawan yakan sip wark yamni kumisin daukrasba nutakan mita wankan Jisasra plikisa, kan witin baman sipa Spirit Holikira karnikawal wankupia raiakum wankaia. Tasba brinka, wanwina brinka naniba swiaia Jisasra yaka wan raiakara iwaia, baku baman yawan sipkabia saurka puraluwaia. Naha lika aiklabanka kumsa yawan upla wankupiaba taski an kuninkira. Wanwina brinkaba mapara aiklabi puraluwaia nitsa. Ao, selp wankarnikawal lika apia Jisas wan solkara iwisa kaka witin mita karnika wankan kabia. Jisas sika wain kiuka yawan nani lika tnawa nanisa, witinra iwisa kaka lika yawan sipkabia raiakaia. Kristian kumi bani witin aman pali kaiki kaiasa waihla saura anik baldimaia plikiba baha mita wan nakra, wan kiama, wan bila naniba ban swirka tanisra kaia apiasa. Waihla saura wantba lika wan sauhkaia. Jisas patranka painkirabawina yawan lantakaia nitsa. Nahki witin Dawan Aisawal aslakanba an karnika witin wina brikanba saurka puraluwaia. Sin tnatkara yawan witinwal aslakaiasa. Wan sinska, wan lukanka, wan kaikanka, wan sturka naniba ban namhpara kaia apiasa."— *Testimonios para la Iglesia, tomo 5, pp. 44, 45.*

- b. Kristian raiaka dukiara Jems aisanba nahki Pal kau kler aisisa?** *Roman 6:6-11.*

"Tasba brinka, praut laka, gridi laka, tarapulanka, misbara, tuman, nina aisanka nani taka naiwa kristian nani spiritkara mayara batakisa". — *Ibid., tomo 1, p. 134*

"Apastel Pal aisan baku: yu banira yawan wanwina brinka nanira prukaiasa an Jisas paliwal kakaira takaiasa bara Spirit Holikira mita yaka wankupia raiakum wankaia. Kan baku apiasa kaka wan kristianka lakaba purataia baman kabia. Baibil stadi takaia, wanpura sunaia an wan uplika walara helpmunaia lakaba naiwa kauhla takansa, nitsa kli alki bukaia."— *Ibid., tomo 6, p. 58.*

**5. WARK MINITKUM TAKASKI WANPURA SUNAIA**

- a. **Selp wanwina brinka swiaia aiklabankara dia winanka daukisa?** *Kolosi 3:1–3; Jems 4:8, 9.*

"Uplakum aisinskaba naha tasbara mankisa kaka witin sip heven tanka bribia apia. Tasba kukanka luwiwaikira nanibara kau tara kulkisa, baha taka setan mita aisinskara tihmia daukisa diara kasak ba tanka bribia apia dukiara. Baha nanira Dawan naku wisa: 'Mihtam naniba klin dauks an kupiam naniba wapnira manks, man nani lukan wal brihiakawismaba ini yakaus kan lilia brismaba tiskupali inanka tarara mailakan kabia. Kristian kum sipapiasa Dawan bilawalaia an sintaim tasba brinka nina bliki kaia. Dawan ailatwanka tarara winanka daukisa bahasat kristianka nanira aikupia lakbia kan bakuapiasa kaka bankaia patkara lakan kabiasa. Hevenra waia uplika kumisin tasba bisniskawal mikstakras.'"— *Testimonios para la Iglesia, tomo 1, p. 463.*

- b. **Bawikira Jisasra aula pyuara dia takisa?** *Lawana nani 34:18; 1 Pita 5:6, 7.*

"Bawikirawal mistikkam naniba dukiara Dawanra padin makamasa kaka naiwa kau chans sirpikum brisma. Sakuna baku daukrasma kaka manra helpkumisin apu kabia lâ tara yuara."— *Ibid., tomo 2, p. 272.*

**MAKABANKA LUAN NANI BA LAKI KAIKS**

1. Kupiba laki kaikisna pyuara nahki maiwan wal brisnaba nutakisna?
2. Aisas nahki aima manas wan aisankawal wednis kasak yabrasba?
3. Nahki misbara lakabawal Dawan mawan swira yawan daukisa?
4. Nahki wanwina brinkara pruaiasa an spiritra raia takaia nitsa?
5. Naha lisinkawal nahki trabilki naniba mairikisa an puraluaiasna?



BAWIKIRA LAKA LANTAKAIA

"Dawan mawanra baus, bara witin mita maibukbia." *Jems 4:10.*

"Yawan bawikira lakawal Dawan bilawalisa pyuara, wan mina taibankaba ingnisa bara uplawala sipsa bahak wapaia. Yawan kumi bani lantakan kaiasa nahki Jisaswal iwaia an wapaiabasin."— *The Signs of the Times, 17 de marzo, 1890.*

Kau aiskaikaia: *Testimonios para la Iglesia, tomo 2, pp. 38–41, 597–604.*

Sandi

Krimis kati, 8



Baibil aiskaikaia ba: 2 Tesalonika 1-3

1. DIARA BAHKIBA TURBIKAIKAI APIA

- a. **Dia daukanka saurakum yawan nina blikaia apiasa Dawanra an wanwalkara latwansa kaka?** *Jems 4:11,12.*

"Wan walka saurka dukiara aisaiaba diara bahkikum apiasa, yawan wihta aimaki wanwalka laka aisdaukaia apiasa."— *Patriarcas y Profetas, p. 405.*

"Dawan luhpia baku wan tilara naha dukia naniba apukaiasa: tuman, ninatawan lawan, misbara, wan walka saurka drusban laka. Aniuplikana naha saurka daukisa kaka witin airaiakara Jisas iuras."— *Nuestra Elevada Vocación, p. 236.*

"Pasin nani pahpaiarasa serts memberska nanira landaukaia yu banira Spirit Holikira mihtara aimakaiaba, kan baku baman yawan sipkabia wan tilara saurka ailal barabawina pritakan kaia. Setan, witin traikaikisa wantilara unsaban, nina aisanka, misbara, tuman an saurka walasin bribalaia. Kaisa wan kiama naniba prakaia uplakum wan walka saurka aisisa pyuara. Baha uplikara man mita Dawan bilaba smalks. Witinra wis kaisa wanpura sunaia wan uplika helpkara. Baku daukbia lika setanra durka prakbia an Dawanra glorika yaban kabia an serts bilara kupia kumi an pawanka ailal takan kabiasa. Wan raiaka pali swakwitakbia an wan walka nanisin baku."— *Nuestra Testimonios para la Iglesia, tomo 5, p. 574.*



2. INGIKA BRIBA KULKANKA YABAIA

- a. **Wan warkka daukaisa pyuara, dia wansinskara kaiasa?**
Lawana nani 16:8; Jems 4:10, 13–16.

"Titan banira Dawan mihtara aimakaiasa; kau wan warkka wala nani daukras kanira. Naku puram suns: 'Dawan mihtamra raiakina mankisna, man dukiam baku aibris. Man minamra swisna warkki nanibasut. Man warkkamra yusaimuns. Yang raiakira baltakas. Baku lika diasut daukamnaba man kupiam laka kabia'. Yu banira naku wanpura sunan kaiasa. Dawan wis man dia daukaia lukismaba witin aikupia lakasa kaka maiwibia, man lukpara yakan karnikamwal warkkam nani daukma. Baku lika kau Jisaswal talia takram kabiasa."— *El Camino a Cristo*, p. 70.

- b. **Aisas, ingnika wankanba dukiara nahki yawan lâ tara mawanra aisankabia?** *Jems 4:17; Matyu 12:31, 32.*

"Dawan mita apia upla kupia karna an blain daukiba. Witin mita ingnikaba blikisa wan mistikka naniba tanka brih wapnira aimakbia dukiara. Sakuna baha ingnikara kulkanka yabras taim upla kupia karna an blain takisa. Ao, minit kum lika apia sakuna tawa tawara. Dawan mita ingnikaba blikisa aibila holikirabak, ai albika nanik, ar dairik Spirit Holikira mita wan sinskara wan aisisa; sakuna baha ingnikara yawan kulkanka yabras pyuara wan spiritkara pawanka briras, an setanra wankupia durka kwaki yabisa wan solkara tihmia daukbia."— *El Deseado de Todas las Gentes*, p. 289.

"Amanpali kaikaiasa namhpara lukanka briaia, an Dawan bila kasakka mapara aisaia. Upla wala swapnika dukiara aisaiaba yawan pali wan daukankara sauhkisa an Dawanra kulkanka yabras takisa. An Spirit Holikira pali warkka mapara takisa."— *El Deseado de Todas las Gentes*, p. 289, 290.

"Wanwina tara yamni briaia dukiara yawan aisisa pyuara upla kum kum naku aisisa: 'Ao, yawan bahasut nusa sakuna aiskasut daukras' Naku aisankawal witin selp aipurara trabil bribalisa kan ingnikaba witin brisa kuna praktis munras."— *Testimonios para la Iglesia*, tomo 6, pp. 371, 372.



3. UBA LAHLARA LATWANBA

a. **Dia kupiakraukanka yabisa lahla briuplika nanira?** *Jems 5:1.*

"Pasin nani mita membars kumra kau tara kulki an witinra mayunanka daukaia apiasa. Patitarawina ban naiwakat kau bansa upla lahlakira an skuldiman nanira kau tara kulkanka yabisa sakuna umpira nanira lika baku apia. Baku lika lahlakira naniba witinra mayunra yabiba taka priasra balisa ao sutlika wiras. Wan mihta prukiwal upla nanira yamni balanka yabaiaba Dawan wina apiasa. Lahlakira manasba pasin nanirasin helpmunisa, wiras baha saura, sakuna baku witin mita dia pasinra wibiaba daukisa tila samtaim Baibilkat waras kabiasin. Naha lika setan mita traika kaikanka bribalisa pasin an ta uplika tara nanira, lahla an tasba dukia naniwal pasin nanira atki brisa. Baha tnatkak serts bilara wan smalkanka nanipalisin satwala daukisa upla mawanka kulkiba takamita. Lahlakira sutba sinsat yawan wiras, ao, kum kum Cornelios kataba baku sipsa wark yamni daukikaia Dawan warkkara tabaikaia, aikupia lakaia an heven suliarika tilara kaia. Sakuna wala nani aihkikaba lika setan mita yusmunisa serts ta uplika nanira batakaia dukiara. Bahasat uplika lahlakira naniba setan suliarika Dawan mita yamni kaikras. Jems 5:1 ra naku ulbansa 'Lahlakira nani inibanhs puramra trabil tara aulaba dukiara. Kukankam naniba sukwan, kwalkam naniba yula pin. Lasra aidara walbia sakuna help apukabia. Serts ta uplika nani mita mayunra yaban helpwankanba dukiara, sakuna bahawal upla lahlakira naniba blising briraskan." — *Testimonios para la Iglesia, tomo 1, pp. 417, 418.*

b. **Wan lahlika naniba diaura kau yusmunikaiasa?** *Sinslaka 11:4.*

"Upla umpira, rau, piarka, skahwa, blain, upla almuk nanira helpmunaiaba lika warkkum yamnisa, sakuna selp aimayunra plikiwal apia, wankupia muhtawina takaiasa Jisas yawanra iwiba mita. Dawan warkkara tabaikaia gospel sturka yamniba smalkaia kau walras nani walbia dukiara." — *Ibid., tomo 3, p. 601.*



4. AIDUL NANIBA SWIAIA

a. Nahki upla ailal lahlakira takisa? *Jems 5:2.*

"Naiwa pyuara upla lukanka naniba lika selp aibisniska dauki lahla ailal wentakaia, an kau aihkikaba lika taiban an implikan lakawal. Tasbara umpira naniba kau ailal banhwisa, witin nanira taibi munisa wark karna takaia an aimanaba sipar aibapisa bahawal sip ai nitka naniba briras. Karbankaba lika wihra palisa an witin nani bila kaikanka apusa helpkum briaia.

Upla umpira nanira taibi munibawal lahlakira naniba kautara pawisa bara aiwina brinka diawantba daukisa. Lahlara latwan kaikiba taka naha tasbana implikaia pliska painkum bakusa. Dawan bilara wan aisisa tasba kukanka lihki an taiban lakaba tarakabia Jisas kau balras kainara."— *Profetas y Reyes, pp. 480, 481.*

b. Upla ailalba naiwa pyuara dia plikisa, an dia winanka daukisa baha nina bliki nanira? (*1 Timuty 6:9, 10; Klismalkanka 8:18, 19*).

"Lahlakira kumirasin Dawan mita patkira kulkras, witin warktakiwal pawansa kaka. Saurka plamaiaba lahla apia, sakuna lahlara latwan kaikiba. Dawan mita sinslaka uplara yabisa lahlara pawanka bribia dukiara; an witin nukaiasa Dawan warkka tatakra kum baku, lahlaba tanka kat yusmunbiasa kaka blisin painkiras. Lahla lainkara pawisa pyuara witin kau an kau pawaia wantsa wan walkara latwan kaikaia dukiara Dawan aisibara kulkanka yabras. Ai lahlikabawal selp aimayunra plikisa aiwina brinka diawantba nina blikisa."— *Manuscript Releases, tomo 13, p. 296.*

"Naha uplika nani nitsa gospel sturka yamniba. Ainakraba tasba dukia wina tawi hevenra dukia nani bankaiarabara kaikbia.

"Dawan mita ai albika nani brisa lahlakira nanira wih smalkbia dukiara. Yaka witin nani aitanka bribia japan kum baku wina rawi bubia bara nutakbia tasba kukanka naniba bahki luwiwaikiraba tanka an ainakraba hevenra kaikbia bankaiara kukanka briaiaba dukiara."— *El Ministerio de Curación, pp. 163, 164.*

**5. TASBA KUKANKAWINA KAU WIHKARA KAIKAI****a. Aisas lahla istiwentakiba wina dia balisa? *Jems 5:2.***

"Uplara taibi, impliki, diara praiska uba mana atki, upla umpira nanira help munras ban satka wala ailalwal naiwa lahlakira takisa, witin nani lika aiwina brinka diawantba nina blikisa, sakuna pyu kunhku baman brisa aililia briaia kan Dawan klalkaba aipurara aulsa."— *Testimonios para la Iglesia, tomo 2, p. 600.*

b. Lahla dukiara dia kupiakraukanka Dawan wankisa? (*1 Timuty 6:17-19*).

"Dawan nina blablikra umpira an kasakka lakara iwinaniba Dawan nakrara kau tara kulkisa wihki tasba uplika lahla ailal bri nanibawal. Naha tasba kingka an aiuplika tara naniba Dawan mita witin nanira kulkanka yabras, kan witin nani Dawan bilara iurasba takamita.

"Lahlakira naniba yu banira kau pawisa, tasba tara atki brisa bara witin ailuhpia nanira yaban dia wantba brisa, sinskas kum bakusa, Dawan sibrinka lika ailuhpia nanira smalkras, ailukankaba lika yu bani lahla kau an kau ailal briaia."— *El Discurso Maestro de Jesucristo, p. 58.*

"Lahla ailal bri uplikaba witin gaspel sturka yamniba walansin daukras bankra aikupia lakbiawisi. Ao, sutlika baku apia, kum kum tilara lika Dawanra kasak lukisa wisa sakuna purataia baman, airaiakaba kasakka lakara iuras."— *Ibid., pp. 601, 602.*

**MAKABANKA LUAN NANI BA LAKI KAIKS**

1. Uplawala mistikkara kaikisna pyuara dia daukisna?
2. Heven ingnika wankanba bahki kulkisa pyuara Spirit nahki sarisa?
3. Lahlakira nani an aipasinka aikuki dia trabilkara kahwisa?
4. Tasba dukia lihkanakaba nahki tarasa, nahki bahawina swakwaiasa?
5. Bawan lakaba nahki painsa an yawan dia bahawina brisa?

WANSINSKA HEVENRA MANKAIA

"Man nani wihka bilakaikanka bribas, lukankam naniba wawnira bribas; Jisas balaiaba bailasa bamna." Jems 5:8.

"Jisas kasakka lakaba kwala baku ban dimikaiasa. Amiara bribas Dawan luhpia smaba tanka, aisankam naniba swapni kaiasa walkam maiwaliba an wihka bilakaikanka marikaia. Aman kaikibas selp wanwinakat baman lukankaba manra apukabia."— *Manuscript Releases, tomo 13, p. 288.*

Kau aisikaikaia: *Los Hechos de los Apóstoles, págs. 58–63;*
La Educación, págs. 121–128.

Sandi

Krismis kati, 15

 Baibil aisikaikaia ba: Hibiru nanira 11-13

1. AWARKASA WANKUPIA LAKI KAIKAIA

- a. **Tasba kukanka nani yawan bribara tiskupali diatakbia?**
Aiseya 31:6, 7.

"Lahlara latwan kaiki an selp wanwinakat baman yusmuniba Dawan saura kaikisa. Wan kukanka naniba blisin kum kabia Dawan dukia baku lukisa kaka, tingki laka yabiwal briaia an witin dia wanwinbakat yusmunbiasa kaka.

"Sakuna tasba kukanka ailal brikama, utla painkira tara, truk an bankra lahla ailal brikamaba. Dia manra yuskabia solkam tiubiasa kaka. Jisas dusprignira man dukiamra pruanba talia manaba lahlawal apia."— *Testimonios para la Iglesia, tomo 6, p. 451.*

"Upla ailal aisaurkara kauban iwikaia dukiara iskius mankisa. Sakuna witin nanira aikukanka naniwal swinkabiasa Jisas pasaminara tasbara kli balbiaba pyuara. Tasba dukia kumisin help takbia apia baha yuatarara. Upla ailal baha awarkakat wantkabia aikupia lakaia, sakuna taimba luankabia ai helpkara upla aisaia apukabia. Dawan ailatwankara naiwa winanka wandaukisa wankupia lakbia an wanraiaka aiska witinra yabia dukiara, naika ar tiskura lika apia, nanara chansbrisa wankupia lakaia."— *Ibíd., tomo 2, pp. 37, 38.*



2. KAU TAIM BRIBARA

- a. **Baibil diawanwisa tasba dukiara lihki sip Dawan warkkara helpmunras uplika naniba?** *Oseas 4:17; Matyu 25:11, 12.*
-

- b. **Aisas tasba dukia nanisutba diaura takasbia.** *Jems 5:3.*
-

"Jems 5:1-3 bara kaikbia. Nahara ulban dukia naniba lika upla lahlakira nani serts bilaraba ai nina kristian brinanibara ulbansa. Dawan ailatwankara winanka daukisa witin mita lahla yabanbawal aiwarkkara tabaikbia. Sakuna naha uplika nani aikiana an ainakra sin prakisa winankaba walaia apia dukiara, aikukanka nanira uba latwan kaikisa. Ailatwankaba tarapalisa tasba dukiara, sakuna Dawan warkkara lika baku apia, an aiuplika walarasin latwan kaikras selp aiwinakat baman kaikisa. Ao, samtaim sertsra aipresentka sirpikum yabisa selp aimayunra pliki. Jisas dusprignira sakripais tara daukanba tihuka tanka sin briras. Sakuna Dawan aikupia pihnira kau swin barasa bila kaikisa aikupia lakbiakra wisi. Baha wisi Dawan warkkaba lika takaskras upla wala aiwarkkara bribalisa aikupia aiskawal ai taimka an ai lahlika kasakka lakara yusmunbia dukiara an warkba danh daukaia. Ao, kristian ailal lahlara lahwan kaikan taka Dawan warkkara tabaikras an selp aisolka tiwaiara brihauiasa.

"Kristian lahlakira nani ai lahlikara uba latwan kaikan taka Dawan wina saitra tawan. Dawan aikupia pihnika lakara aima ailal winanka daukan bankra aikupia lakbiakra wisi, sakuna witin nani aikiana an ainakra sin prakan Dawan winankara walaia apia dukiara. Diara wala daukaia apukan bara aininaba heven bukkawina dikisikan. Tisku pali lahlaba bahki takbia pyuara baha uplika nani ai lahlika naniba priaswatlara bribalbia sakuna yusapukabia. Dawan albika nani mita naku wibia: 'Nanara man nani lahlakira ini banhs kan lahlikam naniba yusaputakan an bahawina man nanira help apusa raiakam swaki sakaia. Dawan warkka daukaia nitkan pyuara yabaia sipkapram sakuna brinmaidaukraskan an bribalras kapram. Nanara pyuba luansa taim brikapramba bahkira yusmunramba taka.'" — *Testimonios para la Iglesia, tomo 1, pp. 162, 163.*

3. LILIA WARKTAKAIA

- a. **Upla lahlakira naniba mita aiwarkka tatakra nanira nahki taibi munisa?** *Jems 5:4–6; Matyu 7:12.*

"Naha tasbara upla ailal lahlakira takisa, implikan an taiban lakawal, baha Dawan yamni kaikras. Setan mita upla kupiara dinkisa lahlakira takaia lukankaba bara witin tnatka ailalku aikukanka paskisa, wark tatakra nanira mana kasak aibapras an implikanwal. Sakuna sin lahlika naniba witin aiwinara aman kabia pauta klahwan kum baku.

"Yawan pali sabat kakulkra nani wantilarasin ailal barasa naha trabilka brisa. Witin nani isti aidarawali aikupia lakaiasa kan baku kaukras kaka pat tara aipura balan kabia. Wan uplikakum trabilrasa pyuara helpmunaiasa bankra lahla lenmunaia nitsa kaka sakuna intriswal kulkaia apia, ar bankra aidukia kum atkaia wahwisa kaka helpmunaiasa praiska kasakbawal, uba sipar aibapaia apiasa kabu daukbiasa kaka Dawan yamni kaikbia apia.

"Dawan mita aimarikan wan muihni trabilkara helpmunrasba witin yamni kaikras. Wan muihni nanira helpmunaiasa aitrabilka naniwina takbia dukiara, yawan mita diara praiska witinra atkaiasa kaka ban uba mana kulkaia apiasa. Man nukaiasma wan uplika walara helpmunisa pyuara Dawan palira daukisa lukaiasa. Sakuna yawan sabat kakulkra nani wan tilara baku daukras." — *Testimonios para la Iglesia, tomo 1, p. 163.*

- b. **Taura kristianka nani nahki aikukanka naniba sermuni brian?** *2 Korint 8:1,2.*

"Dawan warkka nan takrikan pyuara yawan lahla aitani apukan, sakuna wan muihni nani kum kum aiwatla tara brianba wahwi atkan baha pliskara utla sirpira witin nani diman bara atkan lahlikabawal Dawan warkkara tabaikan. Yang kaikri heven ensalka kum wan muihni lamara buikan an naku aisan: 'Kukankam naniba hevenra sunramsa tisku kau pura praki brima.'" — *Ibid., pp. 163, 164.*

4. DAUKANKA YAMNIKUM NAIWA NITBA

- a. Wan daukanka yamnira pakaiara nahki nitsa wihka bilakaikanka lakaba? Jems 5:7.**

"Insla mamamkraba witin saumuk mâ ba krikaia bilakaikisa, tutni laia auhi lubia pyuara dus mâ ba tilwisa. *Jems 5:7*. Sin tnatkara kristianba bila kaikaiasa airaiaka palira Dawan bilaba ai mâ sakbia. Aima ailal wanpura suni Dawanra makabisa help wanmunbia wan kasakkara pawai, bara prubwanmunisa pyuara kli yawan kata aihka wandara wali an sarisin takisa. Upla kumisin sip spiritra paubia apia trabil nanikku lurassa kaka. Dawan bilaba yawanra iwaiasa, bahara kasak lukaia an wan raiaka aiska Jisasra yabaia; witin diawantba kat wandaukbia.

"Jisas naku aisan: 'Ya yangra laitwansa kaka yang biliwalbia; Aisiki mitasin witinra latwan kaikbia, yang nani balamna an uplika raiakara iwamna' *Jan 14:23*. Jisas wan raiakara iwisa pyuara sinslaka an karnika wankisa bilawalai an wanwina brinka almuk taski, wahra nanibasut wina klin an holi lakara iwisa. Selp wanwinakat baman lukras nanara Jisas wantabrisa yabal kasak ingni an holi lakara. Witin aidaukankaba yawan lantakisa. Spirit Holikira mita wark yamni naniba wankan daukisa: kumi, tarti, sixti an handatra katsin." — *Palabras de Vida del Gran Maestro, p. 41*.

- b. Tasbara saurka laka tara pawanra, nahki yawan wihka bilakaikanka brikaiasa? Jems 5:8; Luk 21:19.**

"Tasba uplika naniba Dawan laka krakrisa, kulkanka yabras diara bahki baku brisa. Dawan wihka wanbila kaikiba taka witinka palira kulkanka yabras. Baku lika saurkaba tarapali sahwansa, taiban laka an rausauhkanka nanisin ailal palisa Dawan prapatika palira bansin wisa: 'Dawan nusaki? Lawana nani 73:11. Bansakuna ban ban baku kabia apia Dawan kupia pihni lakaba tnatara wankabia, witin bubia bara saura dadaukra nanira mana aibapan kabia an tasbara ya witinra kasak luki naniba bal brihwan kabia ai heven watlara an raiabankaia yaban kabiasa.'" — *Ibid., pp. 140, 141*.

5. PATRAN NANI WANTABAIKIBA

- a. Serts bilara dia saurkakum barasa, dia wankupia krauki kaiasa baha pliskara? *Libait laka 19:18; Jems 5:9, 10.*

"Yawan nusa Ebel witin lika Adam luhpia, Dawan bilawalan taka muihnika mita misbara kaiki ikan. Enok, witin Dawanwal wapan ao, witinra kulkanka yabraskan. Noa, witin Dawan bila wali ark paskan lisamra aulabara riditakaia dukiara, sakuna baha yua uplika nani mita witin lawaska kikikan. Kauban sipsa Dawan luhpia wala nani dukiara yawan aisaia. *Hibru nani 11:36,37.*

"Wan nina luanba kaikbiasa kaka Dawan luhpia nanisutra tasba uplika nani mita mapara rausauhkan bukikan, ao baha tilak witin nani Dawan sturka yamniba aisikan. Jisas nina blablikra kumi bani Dawan warkkaba taura brihwaiaasa ao witin nusa waihla sauraba laik apia sakuna bahawisi sibriras an aininara sin tauras. Dawan brindaukisa sturi yamniba upla mawanra mankbia, kumi bani airaiaka bahawal laki kaikbia glaskum baku, ao isilika kabia apia kan ailal mapara bubia. Sakuna baha tilak barakabia kum kum kasak lukbia an Spirit Holikira karnikawal sipkabia baltakaia."— *Los Hechos de los Apóstoles, pág. 278.*

"Wan ninara luan sturka nanira laki kaikbiasa kaka sipkabia nutakaia nahki Dawan uplika nani mapara rausauhkankanba tanka. Dawan albika Steven, witin tayara nahki walpani sabi ikanba, sakuna kau pruraskan kainara witin aimawanba ingnitakan ensalkum baku, an baha taka parisi waikna kum ninaba Sal makikanba kupiara Spirit wartakan an las aikupia lakan." — *El Discurso Maestro de Jesucristo, pp. 31, 32.*

MAKABANKA LUAN NANI BA LAKI KAIKS

1. Tasba kukanka naniba praiskaba nahki kasak nutakaiasna?
2. Dia tanka briaia nitsa *Jems 5:1* ra Dawan wan aisiba?
3. Diara atki brih kli yang mita uplara atkisnara dia mistik takisna?
4. Dawan luhpia baku nahki wihka bilakaikankaba briaiaasa?
5. Wan kainara kristian nani nahki karna aibapankan Jisasra?

**KASAK LUKI BAN AIKLABIKAIA**

"Kumi walkamwal padin taks, an wal puram suns, mai rakan kabia dukiara. Kasakkira nani purasunraba karnika tara brisa."

Jems 5:16.

"Lalukra purasunra bawikiraba mita solkum sipsa swaki sakia prurawina, saurka dahra sakbiaba mita saurka ailal padin munan kabia." — *The Review and Herald, 16 de diciembre, 1902.*

Kau aisikaikaia: *El Ministerio de Curación, pp. 171–178;*

Testimonios para la Iglesia, tomo 3, pp. 299–323.

Sandi

Krismis kati, 22



Baibil aisikaikaia ba: *2 Jan, 3 Jan, Judas*

1. BILAKAIKANKA

a. Dia taka Job ra yawan kakaira takisa, an nahki aslasa Dawanwal? *Jems 5:11.*

"Dawan lika latwan an swapraskirawal wanbila kaikisa wan saurka nani dahra saki witinra wibia an wan kupia laki yabal yamnira aimakbia. Bakusin yawan mita aitingkika sakbia, sin yaptikum ailuhpia witinra kaiki kikisa pyuara lilia aidara waliba baku. Dawan wantsa yawan nutakbia nahki witin wanlatwanba tanka. Wan karbanka wihra twilkiba witinra bribalbia wanwisa, wan kupia wihrika, wan insauhkanka naniba wan rakaia wantsa, wan swapnika nanibara karnika wankaia bila kaikisa. Upla kumirasin ban lulki swiras witin aihelpka pliki balanba, witin nanira swira sin daukras...

"Dawanra aipurasuni aimawan ingnika pliki witinra kasak lukiba ban walras swibia apia ansika yaban kabia." — *El Discurso Maestro de Jesucristo, p. 73.*

b. Sturi rait aisaia dukiara Jisas aisanba nahki Jems kli wankupia kraukisa? *Jems 5:12; Matyu 5:37.*

"Kristian nani dia daukibasut klerkaiasa yu ingnikaba baku yukwanra lika apia." — *Ibid., p. 60.*

2. KASAK LUKAN LAKA RAITBA AN KUNINBAWAL**a. Yawan siknis pyuara nahki an diamuni Dawan plikaiasa?***Jems 5:13–15; Lawana nani 103:1–3.*

"Dawan naiwa wilinsa upla siknis naniba rakaia spirit lainkara an wanwinatara lainkara sin baku. Jisas witin tasbarakan pyuara rarakra painkira kum upla sikniska nanisutwina rakitaukikanba baku. Witin lika sika painkira brisa wan sikniskasutwina wan rakaia, an kli wan wina saunkara an wan spiritkara sin karnika raia wankaia. Baha sin karnika aidisaipilka nanira yaban aiwarkka daukaia blikan pyuara. Baku sin tnatkara naiwa adarwankansa aibilara wanpura sunbia bara siknis naniba rakan kabia. Spirit Holikira karnika yawanra wankansa baha pramiskara kasak lukaia an warkba taura brihwaia. Naku wisata: 'Ai mihta siknis nanira kahbia, an Dawan mita rakan kabia' Mark 16:18. Naha pramiskana naiwa sin karnika brisa disaipil nani pyuara kataba baku."— *El Ministerio de Curación, p. 171.*

b. Dawanra wanpura sunisa pyuara wankupiaba nahki kaiasa?*(Lawana nani 66:18)*

"Ao, yawan saurakirasa, sakuna Dawanra wanpura suni makabisa pyuara witin wan walisa. An wan helpkara daukan kabia dia makabi dukia naniba.

"Dawan pramiska naniba yawan makabaia sipsa aibila wali daukisa kaka. Sakuna wankupia aiskawal Dawan dia wanwin dukia nanisutba daukras kaka lika aipramiskaba witin sip daukbia apiasa."— *Ibíd., pp. 172, 173.*

"Jisas tasbara taukikan pyuara witin gospel sturka yamniba smalkikan an sikniskira an upla skahwa nanisut rakikan. Sakuna naiwa yawan sip sin tnatkara daukras, kan setan kunin dauki uplara rakisa wisi tnatka ailalra daukisa.

"Nanara wanwinsa sika lainkawal papakni lupia maki bahara uplara helpmunbia an bahaksin gospel sturka yamniba smalkbia, spirit sikniskawina rakaia dukiara."— *El Ministerio Médico, pp. 16, 17.*



3. KUPIA KARNA SATKA WALBA

a. Aisas sikniswina rawaia tnatka kum praktis munrasba dia?

Jems 5:16.

"Upla kum kum lukisa aisaurka dahra saki aiwalkara padin makabiasa kaka bahawal witin airespekka tikbia ansin mayara kulkbia wallaba mita. Baha ba setan mita uplara kunin munisa kan baku witin saurka daukiba kau ban dauki taura brihauyasa yukwanra. Witin nityaba lika sibriras an aiswirasin lukras saurka daukanba param sakaia kan baku baman prilaka aikupiara brinkabia an Dawan mita witinra padin lakaba yaban kabiasa. Praut an tarapulanka laka taka ban saurkam kahrasaki wiras swipara, kan pramiskaba briaia sipsa ya umpire bawikira aisaurka dahra saki wibia an aikupia lakbia naniba padin laka an aiwina sikniska naniwina rakan kabiasa. King Salaman ku Dawan yaban naku ulban: 'Ya uplika aisaurka purabikbiaba pawanka bribia apia; sakuna dahra saki an bahawina saitra taubia naniba Dawan mita umpire kaikan kabia' *Sinslaka 28:13*. 'Kumi walkam wal saurkam dahka saki padin taks, an puram suns bara mai rakan kabia' *Jems 5:16*. Sakuna saurka kum banswinsa kaka la tara yuara wanmapara sakan kabia. Kau kanra yamnisa nanara wan saurka nani yukwanraba dahra param saki padin makabaia an wan kupia lakaia Jisas heven tentka watlara wan tawan aisina pyuara. Swaki sakan laka an wan spiritkara pawaiaba saurkasutwina pritakan kaiasa." — *Mensajes Selectos, tomo 1, p. 383.*

b. Prapit Alayas dia daukan Israelra saurka baraba dukiara, nahki Dawan mita witinra main kaikan? (*1 King 17:1-3.*)

"Prapit Alayas aipurasuni Dawanra makabikan israel luhpia nani saurkara iwiba wina yaka aikupia lakbia. Alayas brindakukan ai uplika naniba yabal wahrabawina yabal yamnira aimakbia kau Dawan lawanka aipurara bribalras kainara.

"Dawan mita Alayasra win wabia israel kingka Acab watlara an wibia Dawan mawanra saura daukiba dukiara. Alayas witin kingra makabi walraskan swika dimbia sapa, aikwalka painkira sin dimraskan, Acab watlara balan pyuara soldyar nanisin witinra kaikraskan King mawanra balan kata." — *Profetas y Reyes, pp. 87, 88.*

4. PRAPIT ALAYAS WINA LANTAKAIA

- a. **Dia muni yawanra Alayas patranka wankisa israel nani saurkawina rawi bubia dukiara aipurasunanba?** *Jems 5:17.*
-

"Israel luhpia nanira Dawan mita kupia kraukanka blikan, kiama auban, sakuna bahasut witin nani walraskan an aikupiasin lakraskan. Diara wala apukan Dawan mita witin nani purara klala blikaia. Baal aidulkara mayunikan uplika nani aisikan li an diwas tasbara baliba Dawan wina apia, tasba selpwina takisa, an tasbara saumuk mâ nani pawiba lika yu laptikawina aipata pisa, Dawan latubanka aipurara aulaba lika aidarawali banhraskan. Israel kiamka nanira Dawan maikaikan Baal aidulka karnika apuba tanka. Witin nani aidarawali ai saurka naniba nutaki an aikupia laki padin makabiaba kat Dawan mita li blikan kabia tasbara."— *Profetas y Reyes, pp. 87, 88.*

- b. **Israel aikupia laki padin makaban ninkara, nahki Alayas purasunraba patrankumsa?** *Jems 5:18; 1 King 18:39–45.*
-

"Alayas, witin aima matlalkahbi (6) aipurasunan sakuna sain apukan aipura sunraba yabia; sakuna witin Dawanra kasak lukiwal kau aimakum aipurasunan. Taura aipurasunanbawal witin bahakat takaskansat kata aipurasunanka ansika briaia apiakan. Dawan aikياما priniki wan walisa witinra yawan dia makabi dukia naniba. Yawan witinra kasak lukisa kaka ansika wankan kabiasa. Dawan lika wanpurusunanka taura pat witin nusa yawan dia makabaiba, sakuna wankupiaba kaikisa klinsa sapa, saurka yuika sirpisin apusa sapa. Kan yawan upla baku aima manas aimayunra briaiaiba lihkisa, selp wan karnikawal daukan baku, sakuna mayunra sutba Dawanra yawan yaban kaiasa, kan witin mita diarasutba wankisa."— *Testimonios para la Iglesia, tomo 4, p. 251.*

"Alayas witin bawikira pali aipura sunan selp aimayunrakum plikraskan, nahasika yawan nitba Dawan wanpurusunra walbia dukiara. Baku lika witinra mayunrasutba yawan yaban kabia."— *Comentario Bíblico ASD [Comentarios de E. G. de White], tomo 2, pp. 1029, 1030.*

**5. DAWAN KUPIA PIHNIKA TARA DAUKAN**

- a. **Tasbara saurka ailal takan taka ban sariwandaukisa. Apastel Jems nahki aiulbanka prakisa?** *Jems 5:19, 20.*

"Saurkara kahwan nanibara yawan mita yabrika sari takbiara. Kaisa parisi nani baku kaia apia wan muihni nanira sauhkaia. Kaisa wankupiara wan muihni dukiara wihrakum wankupiara twilki kaia apia. An wan twisawalsin aisaurka aisaia apia. Ani pyua yawan sturi karna aimapara aisabiasa kaka, apia wan daukankawal marikbiasa kaka wan walkara yawan mita sauhkisa. Wan muihni kahwanba witin nitsa wan helpka wan mihta sakbi witinra bukaia dukiara, minit kumirasin wankupia sauhkaia apiasa, inikira wal wanpura sunraba yarka witin walbia. Dawan mita walsutra diara tara yaka nutakbia. Wanpura sunraba mita Jisas wan lamara balisa an karnika wankisa saurka puraluwia tasbaraba, wanwina tara an setanra sin baku. " — *El Ministerio Médico, p. 129.*

"Spirit Holikira karnikawal wan saurka nani taskikaba nutaki an bahawina pritakanba mita nanara Jisaswal yawan talia takisa wan daukanka nanira. Wan nakraba diarawala kumirasin kaikras sakuna Jisaskat kaikisa Gad sipka lupia tasba saurka mana brih sakiba. Jan 1:29.

"Dawan padinka lakaba mita saurakirara yaban ailamara balisa, witinra kiaubi alki ailatwanka marikisa an nahki wilinba saurka lakawina prisakaia." — *Palabras de Vida del Gran Maestro, pp. 195, 196, 331.*

**MAKABANKA LUAN NANI BA LAKI KAIKS**

1. Nahki raiakira Dawan kupia pihnika lakaba kaikisna?
2. Nahki kasakki luka lakaba aitani apiasa wini yamnika dukiara?
3. Dawan nahki ansa munan Alayas purasunra isreal helpkara?
4. Dia muni Alayas aipura taim ailal sunan li auhbia dukiara?
5. Ya uplikawal yang kau wihka bilakaiki lantakaia nitsna, dia muni?

Pas Sabat

Kalixsan ka



Waupasa katka 5
Reading Pensilvania ra
priaswatla makaia.


Wahia 4 ra kaiks

Yahbra kati 2

Buk nani ulbaia

Misaniry warkka daukaia

Wahia 25 ra kaiks



Krismis kati 7

Colombia Yuniankara apis
makaia helpka

Wahia 51 ra kaiks

